

74
6641
20



74  
6641  
20



讀禮通考卷第七十二

經禮官禮部存存兼翰隸墮主藝簾堯 大清會典一統志副總裁明史總纂蔡學

喪儀節三十五

國恤七


太皇太后皇太后喪儀上

後漢書禮志太皇太后皇太后崩司空以特牲告諡於祖廟如儀長樂太僕少府大長秋典喪事三公奉制度他皆如禮儀

丁字漢儀曰永平三年陰太后崩晏駕詔曰柩將發於殿羣臣皆著素參以白素引棺挽歌下殿就車黃門宦者引以出宮省太后魂車驚輅青羽蓋駟馬龍旗九旒前有方相鳳凰車大將軍妻參乘太僕妻御悉道公卿百官如天子郊鹵簿儀後和意節后葬案以為儀自此皆降損於前事也

合葬羨道開通皇帝謁便房太常導至羨道去杖中常侍受至柩前謁伏哭止如儀辭太常導出中常侍授杖升車歸宮已下反虞立主如禮諸郊廟祭服皆下便房五時朝服各一襲在陵寢其餘

禮記通考卷第七十二



91-0797

及宴服皆封以篋竒藏宮殿後閣室

桓思竇皇后

延熹八年以選入掖庭為貴人其冬立為皇后永康元年冬帝崩無嗣后為皇太后臨朝定策立解犢亭侯宏是為靈帝太后

父武謀誅宦官中常侍曹節等矯詔殺武遷太后於南宮

通鑑漢靈帝熹平元年六月太后崩宦者積怨竇氏以衣車載太后尸置城南市舍數日曹節王甫欲用貴人禮殯帝曰太后親立朕躬統承大業豈宜以貴人終乎於是發喪成禮節等欲別葬太后而以馮貴人配祔詔公卿大會朝堂令中常侍趙忠監議太尉李咸時病扶輿而起擣椒自隨謂妻子曰若皇太后不得配食桓帝吾不生還矣既坐議者數百人各瞻望良久莫有先言趙忠曰議當時定廷尉陳球曰皇太后以盛德名家母臨天下宜配先帝是無所疑忠笑而言曰陳廷尉宜便操筆球即下議曰皇太后自椒房有聰明母儀之德遭



時不造援立聖明承繼宗祧功烈至重先帝晏駕因遇大獄遷居空宮不幸早世家雖獲罪事非太后今若別葬誠失天下之望且馮貴人家嘗被發掘骸骨暴露與賊并尸魂靈污染且無功於國何宜上配至尊忠省球議作色俛仰啜球曰陳廷尉建此議甚健球曰陳竇既冤皇太后無故幽閉臣常痛心天下憤歎今日言之退而受罪宿昔之願也李咸曰臣本謂宜爾誠與意合於是公卿已下皆從球議曹節王甫猶爭以為梁后家犯惡逆別葬懿陵武帝黜廢衛后而以李夫人配食今竇后罪深豈得合葬先帝李咸復上疏曰臣伏惟章德竇后虐害恭懷安思閤后家犯惡逆而和帝無異葬之議順朝無貶降之文至於衛后孝武皇帝身所廢棄不可以為比今長樂太后尊號在身親嘗稱制且援立聖明

光降皇祚太后以陛下為子陛下豈得不以太后為母子無黜母臣無貶君宜合葬宣陵一如舊制帝省奏從之秋七月甲寅葬桓思皇后於宣陵

靈懷甘皇后

先主納以為妾卒葬於南郡

蜀志先主章武二年追諡皇思夫人遷葬於蜀未至而先主殂隕丞相諸葛亮上言皇思夫人履行脩仁淑慎其身大行皇帝初在上將嬪妃作合載育聖躬大命不融大行皇帝存時篤義垂恩念皇思夫人神柩在遠飄飄特遣使者奉迎會大行皇帝崩今皇思夫人神柩以到又梓宮在道園陵將成安厝有期臣輒與太常臣賴恭等議禮記曰立愛自親始教民孝也立敬自長始教民順也不忘其親所由生也春秋之義母以子貴昔高皇帝尊太上昭靈夫人為昭靈皇后孝和皇帝改葬其

母梁貴人尊號曰恭懷皇后孝愍皇帝亦改葬其母王夫人尊號曰靈懷皇后今皇思夫人宜有尊號以慰寒泉之思輒與恭等案諡法宜曰昭烈皇后詩曰穀則異室死則同穴故昭烈皇后宜與大行皇帝合葬臣請大尉告宗廟布露天下具禮儀別奏制曰可

魏文明甄皇后

文帝納之於鄴生明帝踐祚後失寵賜死葬於鄴

通典明帝時有司奏請追諡文明甄皇后使司空王朗持節奏策以太牢告祠於陵又別立寢廟三公奏曰蓋孝敬之道篤乎其親乃四海所以承化天地所以明察是謂生則致其養沒則光其靈誦述以盡其美宣揚以顯其名者也今陛下以聖懿之德紹承洪業至孝蒸蒸通於神明遭離殷憂每勞謙讓先帝遷神山陵大禮既備至於先后未有顯諡伏惟先后恭讓著於幽微至行

顯於不言化流邦國德侔二南故能膺神靈嘉祥為大  
魏世妃雖夙年登遐萬載之後永播融烈后妃之功莫  
得而尚也案諡法聖聞周達曰昭德明有功曰昭昭者  
光明之至盛久而不昧者也宜上尊諡曰文昭皇后

明元郭皇后河右大族沒入宮明帝即位拜為夫人帝疾困立為皇后齊王即位尊為皇太后景元四年十一月崩

通典魏皇后崩繆襲議銘旌曰自殷以前復與銘旌皆

書姓男名女字無書國者周之復天王稱天子諸侯稱

某甫某甫其甫秦漢皇帝皇后太后復書銘置之柩也舊禮書

銘皆不書國號后亦不書氏魏為天下之號無所復別

臣子所以稱魏故某侯某者皆以自別耳明太后不宜

復稱魏案左氏云天王崩不言周劉邵議主生稱魏不

稱姓據漢律使節稱漢今魏使節亦稱魏及二千石諸

竹使符皆稱魏以類推之其義宜同今太后之旌宜稱

魏趙怡奏祖號所以稱廟不宜以題旌禮未有主作重

既葬而埋之故銘旌宜與重皆埋廟門外之左尚書奏

祖宗之號所以表德題旌古今異儀今列祖之號宜改

施新銘旌故杠所埋如怡等議與重俱埋於廟門之左

武悼楊皇后元后從妹武帝咸平二年立為皇后帝崩尊為皇太后父駿誅

咸帝咸康七年議附廟

晉書虞譚為衛將軍咸康七年詔使內外詳議武悼楊

后配廟之儀譚議曰世祖武皇帝光有四海元皇后應

乾作配元后既往悼后繼作至楊駿肆逆禍延天母孝

懷皇帝追復諡號豈不以鯀殛禹興義在不替者乎又

太甯二年臣忝宗正帝譜泯棄罔所循案時博諮舊齒

以定昭穆與故驃騎將軍華恒尚書荀崧侍中遂因舊

譜參論撰次尊號之重一無改替今聖上孝思祇肅禮

祀詢及羣司將以恢定大禮臣輒思詳伏見惠皇帝起居注羣臣議奏列駿作逆謀危社稷引魯之文姜漢之呂后臣竊以文姜雖莊公之母實為父仇呂后恃寵私戚幾危劉氏案此二事異於今日昔漢章帝竇后殺和帝之母和帝即位盡誅諸竇當時議者欲貶竇后及后之亡欲不以禮葬和帝以奉事十年義不可為臣子之道務從豐厚仁明之稱表於往代又見故尚書僕射裴顛議悼后故事稱繼母雖出追服無改是孝懷皇帝追崇諡號還葬峻陵此則母子道全而廢事蕩革也於時祭於宏訓之宮未入太廟蓋是事之未盡非義典也若以悼后復位為宜則應配食世祖若服之為非則譜益宜闕未有位號居正而偏祀別室者也若以孝懷皇帝私隆母子之道特為立廟者此苟崇私情有虧國典則

國譜帝諱皆宜除棄非徒不得同祀於世祖之廟也會稽王昱中書監庾冰中書令何充尚書令諸葛恢尚書

謝廣光祿勳留擢丹陽尹殷融護軍將軍馮懷散騎常

侍鄧逸等咸從譚議由是太后配食武帝

簡文宣太后元帝建武元年納為琅邪王夫人生簡文帝以成帝咸和元年薨簡文帝即位未及追尊孝武帝太元十七年下詔曰會稽太

妃文母之德徽音有融誕載聖明光延於晉今上太妃尊號曰簡文太后於是立廟於太廟路西羣臣多謂鄭太后應配食元帝太子前率徐邈曰平素之時不伉

儷於先帝至於子孫豈可為祖考立配崇尊盡禮由於臣子故得稱太后陵廟備典若乃配葬附食則義所不可從之

晉書孝武帝太元中欲追崇庶祖母宣太后議者或謂

宜配食中宗時臧燾為明教議曰陽秋之義母以子貴

故仲子成風咸稱夫人經云考仲子之宮若配食惠廟

則宮無緣別築後漢孝文孝昭太后並繫子為號祭於

寢園不配於高祖孝武之廟後漢和帝之母曰恭懷皇

后安帝祖母曰恭愍皇后雖不繫子為號亦祭於陵寢

不配章安二帝則此二漢雖有太后皇后之異至於並  
不配食義同陽秋惟光武追廢呂后故以薄后配高祖  
廟又衛后既廢霍光追尊李夫人為皇后配孝武廟此  
非母以子貴之例直以高武二廟無配故耳夫漢立寢  
於陵自是晉制所異謂宜遠準陽秋考宮之義近摹二  
漢不配之典尊號既正則罔極之情申別建寢廟則嚴  
禰之義顯繫子為稱兼明母貴之所由一舉而允三義  
固哲王之高致也

懿安郭皇后

父暉尚昇平公主生后憲宗為廣陵王聘為妃生穆宗元和元年進冊貴妃穆宗立上尊號皇太后敬宗立號太皇太后宣宗

立后崩葬景陵園外

唐書郭后附廟議懿安郭太后既崩禮院檢討王皞請  
附景陵配饗憲宗廟宣宗大怒宰相白敏中召皞詰其  
事皞曰郭太后是憲宗元妃汾陽王孫迨事順宗為婦

憲宗崩事出曖昧母天下五朝不可以疑似之事黜合  
配之禮敏中怒甚皞聲色益壯宰相將會食周墀立敏  
中廳門以俟敏中語墀正為一書生惱亂但乞先之墀  
就敏中問其事皞益不屈墀以手加皞額賞其正直翼  
日皞貶句容縣令墀亦免相大中十三年秋八月上崩  
令狐綯為山陵禮儀使奏皞為判官皞又論懿安合配  
享憲宗始升附焉

昭憲杜太后

歸於宣祖生太祖太宗周顯德中太祖為定國軍節度使封南陽郡太夫人大祖即位尊為皇太后

宋史禮志太祖建隆二年六月二日皇太后杜氏崩於  
滋德殿三日百官入臨明日大斂攢於滋德宮百姓成  
服中書門下文武百僚諸軍副兵馬使以上並服布斜  
巾四腳直領欄衫外命婦帕頭帔裙衫九日帝見百官  
於紫宸門太常禮院言皇后燕國長公主高氏皇弟泰

甯軍節度使光義嘉州防禦使光美並服齊衰三年準  
故事合隨皇帝以日易月之制二十五日釋服二十七  
日禫除畢服吉心喪終制從之七月太常禮院言準詔  
議定皇太后諡案唐憲宗母王太后崩有司集議以諡  
狀讀於太廟然後上之周宣懿皇后諡卽有司撰定奏  
聞未嘗集議制下之日亦不告郊廟修諡冊畢始告廟  
還讀於靈座前詔從周制於是太常少卿馮吉請上尊  
諡曰明憲皇后九月六日羣臣奉冊寶告於太廟翼日  
上於滋德宮十月十六日葬安陵十一月四日神主祔  
太廟宣祖室乾德二年改卜安陵於河南府鞏縣三月  
二十五日奉寶冊改上尊諡曰昭憲皇太后讀於陵次  
二十六日啟故安陵二十七日靈駕發引命攝太尉開  
封尹光義遣奠讀哀冊四月九日掩皇堂

明德李皇后

開寶中太祖爲太宗聘爲妃太平興國三年入宮生皇子不育真宗卽位尊爲皇太后居西宮

宋史禮志太宗明德皇后李氏真宗景德元年三月十

五日崩十七日羣臣上表請聽政凡五上始允帝去杖

經服衰卽御坐哀動左右太常禮院言皇后宜準昭憲

皇太后禮例合隨皇帝以日易月之制宗室雍王以下

禫除畢吉服心喪終制五日詳定園陵宜在元德皇太

后陵西安葬八月十二日上諡九月二十二日遷坐於

沙臺欖宮十月七日祔神主太宗室二年十月十五日

帝詣欖宮致奠十六日發引二十九日掩皇堂

歷代名臣奏議宋真宗景德初禮官詳定明德皇太后

靈駕發引於京師王地權欖依禮埋懸重升祔神主李

安易上言曰禮云旣虞作主虞者已葬設吉祭也明未

葬則未立虞主及神主所以周制但鑿木爲懸重以主



神靈皇后七月而葬則埋懸重掩玄堂凶仗輜輶車龍  
輜之屬焚於柏城訖始可立虞主吉仗還京備九祭復  
埋虞主然後立神主升廟堂自曠古至皇朝上奉祖宗  
陵廟俱行此禮何以今日乃違典章苟且升祔方權攢  
妄立神主未大葬輒埋懸重且棺柩未歸園陵則神靈  
豈入太廟奈柏城未焚凶仗則凶穢唐突祖宗望約孝  
章近例但於壬地權攢未立神主升祔凶儀一切祇奉  
俟丙午年靈駕西去園陵東回祔廟如此則免於顛倒  
不利國家乃詔有司再加詳定判禮院孫何等上言案  
晉書羊太后崩廢一時之祀天地明堂去樂不作又案  
禮王后崩五祀之祭不行既殯而祭所言五祀不行則  
天地之祭不廢遂議以園陵年月不便須至變禮從宜  
又緣先準禮文候神主升祔畢方行享祀若俟丙午歲

則三年不祭宗廟禮文有闕況明德皇太后德配先朝  
禮合升祔遂與史館檢討同共參詳以爲廟未祔則神  
靈不至伏恐祭祀難行攢既畢則梓宮在郊可以葬禮  
比祔遂案禮云葬者藏也欲人不得而見也既不欲穿  
壙動土則龍輜攢木題湊蒙椁上四柱如屋以覆盡塗  
之所合理重一依近例便可升祔神主安易妄言以凶  
仗爲凶穢日羣官爲顛倒指梓宮爲棺柩令百司分析  
園陵浼瀆聖聽誣罔臣下安易又云昔日覩羣官盡公  
奉二帝諸后並先山陵後祔廟今日覩羣官顛倒奉明  
德皇太后獨先祔廟後園陵者今詳當時先山陵後祔  
廟蓋爲年月便順別無陰陽拘忌今則年月未便理合  
從宜未理重則禮文不備未升祔則廟祭猶闕須從變  
禮以合聖情兼明德皇太后將赴權攢而安易所稱柏

言通考卷之三  
城未焚凶仗則凶穢唐突祖宗案檀弓云喪之朝也順死者之孝心也鄭玄注云謂遷柩於廟又云其哀離其室也故至於祖考之廟而後行商朝而殯於祖周朝而遂葬今亦遙辭宗廟而後行豈可以禮經所出目爲顛倒吉凶具儀謂之唐突哉又云孝章皇后至道元年崩亦緣有所嫌避未赴園陵出京權櫬之時不立神主入廟直至至道三年西去園陵禮畢然後奉虞主還京易神主耐廟以合典禮今詳當時文籍緣孝章爲太宗嫂氏上仙之時止輟五日視朝百官不曾成服與今不同初亦無詔命令住廟享令明德皇太后母儀天下主上孝極曾顏況上仙之初卽有遺命權停享祀今案禮文固合如此安易荒唐庸昧妄有援引以大功之親比三年之制欺罔君上乃至於斯況安易以訐直自負所詆

者無非良善以清要自高所尚者無非鄙俗名宦之志老而益堅詩書之文愷而不習本院所議並明稱典故旁考時宜雖曰從權粗亦稽古請依元議施行從之

乾學案權櫬未葬不宜埋重耐廟安易之言正合古禮而禮官乃盡力排擊之何也據其所言不過苟且遷就以合時制而反以守經者爲非禮不亦謬乎

稗編景德元年有司詳定明德太后李氏升耐之禮案唐睿宗昭成肅明二后先天初以昭成配開元末以肅明耐此時儒官名臣步武相接宗廟重事必有據依推之閨門亦可擬議晉驃騎將軍温嶠有三夫人嶠薨詔問學官陳舒舒謂秦漢之後廢一娶九女之制妻卒更娶無繼室生既加禮亡不應貶朝旨以李氏卒於嶠之

微時不霑贈典王何二氏追加章綬唐太子少傅鄭餘慶將立家廟祖有二夫人並祔於禮為宜恭惟懿德皇后久文參諸故事二夫人並祔於禮為宜恭惟懿德皇后久從升祔雖先後有殊在尊親則一請同列太宗室以先後次之詔尚書省集議咸如禮官之請祔神主於太廟元德皇太后太祖為太宗聘之開寶中封麗西郡君太宗即位進封夫人真宗太平興國二年薨真宗即位追封賢妃

宋史禮志太宗賢妃李氏真宗至道三年追尊為皇太后諡曰元德祔葬永熙陵大中祥符六年升祔太宗室章獻明肅劉皇后年十五入襄邸真宗即位入為美人進德妃章穆崩立為皇后真宗崩遺詔尊為皇太后

宋史禮志真宗章獻明肅皇后劉氏明道二年三月二十七日崩於寶慈殿遷坐於皇儀殿三十日宣遺誥羣臣哭臨見帝於殿之東廂奉慰宗室削杖不散髮中書樞密使相比宗室去斜巾垂帽首經及杖翰林學士至

龍圖閣直學士已上并節度使文武二品以上又去中單及袴二省御史臺中丞文武百官以下四腳幅巾連裳腰經館閣讀書翰林待詔伎術官并給孝服宰相百官朝晡臨三日內外命婦朝臨三日四月遣使告哀遼夏及賜遺留物十七日祔神主於奉慈廟

歐陽修撰薛簡肅公奎墓誌莊獻明肅太后崩上見羣臣泣曰太后疾不能言而猶數引其衣若有所屬何也公遽曰其在袞冕也然服之豈可見先帝乎上大悟卒以后服葬

慶曆四年翰林學士王堯臣等上奏曰章獻明肅盛烈不功非一惠可舉謚告於廟冊藏於陵無容追減章惠擁祐帝躬並均顧復故景祐中膺寶慶之冊義專繫子禮須別祠章穆升祔歲月已深奉慈三室先後已定若

再議升降則情有重輕請如舊制中書門下覆議成憲  
在前文考之意配食一體二慈之宜奉承無私陛下之  
孝請如禮官及學士議案祥符詔繫章聖特旨位敘先  
後乞聖制定數昭示無窮詔依所議

章惠楊皇后

真宗即位拜才人累進淑如真宗崩遺詔以為皇太后其所居曰保慶故稱保慶皇太后景祐三年無疾而薨

宋史禮志真宗章惠皇后楊氏明道三年十一月五日  
保慶皇太后崩太常禮院言皇帝本服總麻三月皇帝  
皇后服皆用細布宗室皆素服吉帶大長公主以下亦  
素服並常服入內就次易服三日而除詔以保祐沖人  
加服為小功五日而除四年正月十六日上謚二月六  
日葬永定陵之西北隅十六日升耐奉慈廟

乾學案傳稱景祐三年志稱明道三年

慈聖光獻曹皇后

明道二年郭后廢詔聘入宮景祐元年冊為皇后英宗即位冊為皇太后神宗立尊為太皇太后宮曰慶壽

宋史禮志神宗元豐二年十月二十日太皇太后崩於  
慶壽宮是日文武百官入宮宰臣王珪升西階宣遺誥  
已內外舉哭盡哀而出二十六日大斂命韓縝為山陵  
案行使二十九日皇帝成服十二月中書言先是司天  
監選年月遷耐濮安懿王三夫人今大行太皇太后山  
陵濮三夫人亦當舉葬於是詔宗室正任防禦使以上  
許從靈駕已從濮安王夫人者免從三年正月十四日  
上謚太常禮院言大行太皇太后雖已有謚然山陵未  
畢俟掩皇堂後去大行二字稱慈聖光獻太皇太后耐  
廟題神主仍去二太字祕閣校理何洵直言案禮既葬  
日中還虞於正寢蓋古者之葬近在國城之北故可以  
平旦而往至日中即虞於寢所謂葬日虞弗忍一日離  
也後世葬地遠則禮有不能盡如古者今大行太皇太

后葬日至第六虞自當行之於外如舊儀其七虞及九虞卒哭謂宜行之於慶壽殿又案春秋公羊傳曰虞主用桑土虞禮曰桑主不文伏請罷題虞主太常言洵直所引乃士及諸侯之禮況嘉祐治平並虞於集英殿宜如故事又嘉祐治平虞主已不書諡當依所請太常禮院又言慈聖光獻皇后祔廟前三日告天地社稷太廟皇后廟如故事至日奉神主先詣僖祖室次翼祖宣祖太祖太祖后太宗皇帝懿德皇后明德皇后同一祝次饗元德皇后慈聖光獻皇后異饌異祝行祔廟之禮次真宗仁宗英宗室禮畢奉神主歸仁宗室如此則古者祔謁之禮及近代徧饗故事並行不廢從之三月十日葬永昭陵二十二日祔於太廟

宣仁聖烈高皇后

少育宮中成昏濮邸生神宗治平二年冊為皇后神宗立尊為皇太后

宋史禮志英宗宣仁聖烈皇后高氏哲宗元祐八年九月三日崩於崇慶宮遺誥皇帝成服三日內聽政羣臣十三日諸州長吏以下三日而除釋服之後勿禁作樂園陵制度務遵儉省餘並如章獻明肅皇太后故事十四日詔園陵依慈聖光獻太皇太后之制紹聖元年正月二十八日禮部言將題神主謹案章獻明肅皇后神主書姓劉氏詔依故事四月一日葬永厚陵

欽聖憲肅向皇后

治平三年歸於穎邸神宗即位立為皇后哲宗立尊為皇太后徽宗立構處分軍國事尋遷政

宋史禮志神宗欽聖憲肅皇后向氏建中靖國元年正月十三日崩五月六日葬永裕陵二十六日祔於神宗廟室先是元祐四年美人陳氏薨贈充儀又贈貴儀徽宗入繼大統詔有司議追崇之典上尊諡曰欽慈皇后祔葬永裕陵與欽聖同祔神宗室崇甯元年二月聖瑞

皇太妃朱氏薨制追尊為皇太后遂上尊謚曰欽成皇后五月祔葬永裕陵祔神主於神宗室皆備禮如故事

昭慈聖獻孟皇后

元祐七年帝親御文德殿冊為皇后後廢居瑤華宮元符未遷內號元祐皇后徽宗初復居瑤華宮尋出私第京城陷張邦昌迎居延福宮稱宋太后高宗立尊后為元祐太后尋以所居宮稱隆祐太后紹興五年患風疾四月崩於行宮之西殿

宋史禮志哲宗昭慈聖獻皇后孟氏紹興元年四月崩

詔以繼體之重當承重服以遺詔擇近地權殯俟息兵

歸葬園陵梓取周身勿拘舊制以為他日遷奉之便六

月殯於會稽上亭鄉橫宮方百步下宮深一丈五尺明

器止用鉛錫置都監巡檢一員衛卒百人生日忌辰旦

望節序排辦如天章閣儀虞主還州行祔廟禮

文獻通考紹興元年四月十八日太常寺言章獻明肅

皇太后崩乙未百官聽遺詔喪紀以日易月在京百官

十三日而除祖宗以來皇太后崩故事莫盛於章獻明

肅皇太后遺詔十三日令在京百官除服今來大行隆

祐皇太后崩遺詔亦以十三日而除合至今月二十六

日百官依故事進名奉慰訖退易常服從之自成服以

後小大祥禫除日及朔望日百官並進名奉慰遇皇帝

視事日宰相奏事去杖小祥日奏事去冠餘官奏事皇

帝聽政未釋服前其引班若行弔臨之禮即服喪經如

遇內殿引班奏事及從駕常服黑帶士庶以下服軍人

百姓白衫紙帽婦人素幔不花釵三日止士庶婚嫁服

除外不禁文武臣寮之家至山陵祔廟畢並詳嫁娶不

用花綵仍禁樂

北盟會編紹興元年四月十四日庚辰隆祐皇太后崩

遺詔吾自入宮闈於今三紀晚年以來逢國多故二聖

遐狩心常盡然皇帝仁孝自天實同憂患雖在顛沛禮

無闕違幸時小康還自江介方欲享天下之養卽東朝之安而節宣不時偶遇微疾遽至危惛莫能自還悵此兩宮遂成永訣方時艱難合行禮儀難以備舉皇帝服期以日易月十三日而除仍不候除服御朝三日而除作樂婚姻並無禁止斂以常用不可用金玉珍寶且權宜就近擇地攢殯候軍事甯息歸葬園陵所製梓宮取周吾身勿拘舊制以爲他日遷奉之便於戲生者人之暫寓死者數之大終甲子一周無復所恨尚賴臣民之眾永堅忠孝之心輔翼聖朝早臻康阜存沒之際恨恨何言

謚議洪惟大行隆祐皇太后窮聖善之德茂柔明之資粵自先正魏王有功仁祖之世王室所賴旂常紀之用集我太母惟我太母基迹元祐嬪於秦陵逮事宣仁欽

聖兩宮稟二南之規兼四教之善正位宮掖三十餘年含弘光大而體坤道之常進退存亡而得聖人之正及靖康初載天割我宋二帝出郊中原無統我太母起於危疑之中自任以天下之重當方隅傾側之時正璇厠纂承之序雖文母以十亂興周不是過也已而六飛南渡案蹕武林元凶窺朝災自內作天下之勢甚於綴旒我太母投袂而履禍機立談而銷逆祲坐使天地復正三辰復明雖媧皇以煉石補天不是過也勳猷崇極如此而乃抑華弘儉率禮蹈和塞私謁之塗裁外家之寵清靜謙沖而以道爲本沈潛剛克而與神爲謀擁佑聖躬殫誠盡變煌煌乎度越麟趾思齊之上矣正期清我旬服旋駕舊京虔奉翟車展謁宗廟而昊天不辰禍結慈極郊蠶告畢方開盛夏之祥隙駟難畱遽揜長秋之

御茲天子追慕悼心失圖歎厚載之中傾痛仙遊之不  
返雖遂服不可勉從期歲之喪而興哀無窮每過舉音  
之節由是命有司考易名之典飾終之儀告於神明節  
以四惠庶有以彰淑則而暢徽音謹案諡法明德有功  
曰昭視民如子曰慈聰明睿智曰獻安民有功曰烈若  
乃兩值時變當陽御簾基圖既安即復明辟澤及萬世  
與天無窮非明德有功邪寢興焦勞言動懇惻冒風濤  
兵革之險濟宇宙生靈之艱非視民如子邪察興替之  
端知變通之利親庶政以任溥天之責奉真人以膺神  
器之歸非聰明睿智邪中微之緒而我振之大亂之源  
而我窒之從容房帷密幹鴻造非安民有功邪嗚呼皇  
后之諡請之於廟示雖天子必有尊大行隆祐皇太后  
諡宜以宗廟之命錫之曰昭慈聖烈皇后

奏告宗廟伏以覺積宮闈禍延文母凡居持載孰不哀  
摧國有大喪不敢不告

天斂伏以宮闈棄祐仙馭上賓將奉容衣耐臨神匿顧  
溫慈之永闕銜摧割以何言謹以十七日舉大斂之儀  
不敢不告

掛服昊天不弔禍及東朝念色養之永違攀仙遊而何  
及爰舉衰麤之制用酬坤育之恩謹以今日成服不敢  
不告

掛服日祭奠伏以比舉卹章參成衰飾既正阼階之席  
當陳餘闕之羞仰奠神遊俯歆微薦

攢祭伏以慈壺中虛仙遊寢邈爰舉敢塗之禮以須祖  
載之期孝養莫追哀誠何極

啟攢伏以禍之延坤儀永闕方中告畢即遠有期乃



涓季夏之良恭撤西階之殯追攀莫及摧割奚勝  
祖奠恭以復土有期遣車在道猶想庭闈之覲忍瞻警  
衛之行攀柩哀號奠觴祖訣

啟奠伏以宮闈乏覲忍瞻寡佑陵寢告成爰

啟鼓塗將臨於厚夜恭陳奠畢永訣於終天

遣奠伏以著龜來諗日月有期既停六綽之儀將舉九

原之奉三靈不弔五內并摧

發引伏以著龜告日披紼在庭載嚴厥衛之儀將舉勸

防之事攀依永絕摧割奚勝

掩攢伏以龜筮協從衣冠永闕神升帝所參三后在天

之游地占山靈豈千人成聚之比追攀莫逮銜恤奚言

上諡冊寶伏以柔儀懿範夙著宮闈聖德元勳實施社

稷乃羣臣議諡請於宗廟日昭慈獻烈皇后永為千載

之稱不敢不告

耐廟伏以慈闈厭世幽竈因山既終復土之恩爰講附

姑之禮進陪廟祀永作邦休

配廟伏以作合先朝爰正尊名有欽聖御簾

之詔唱為異議由崇甯當軸之姦茲涓剛辰恭舉徽冊

永嚴升廟之禮以對在天之靈

卒哭伏以鸞馭遐升日期寢遠甫隔晨昏之奉奄然哭

踊之儀追慕亡繇銜哀何極

顯肅鄭太后徽宗為端王入宮顯恭王皇后崩政和元年立為皇后欽宗

宋史后妃傳紹興五年太后崩於五國城七年何薛等

使還始知上皇及后崩高宗大慟詔立重成服耐主徽

宗室以聞哀日為大忌梓宮歸入境承之以椁納翬衣

其中與徽宗合攢於會稽永佑陵

受神尊為太上皇后遷居甯德宮稱甯德太后從上北遷

北盟會編紹興七年正月二十五日丁亥詔曰何蘇奉使回得大金國右副元帥書太上皇帝久違和豫厭世升遐甯德皇后亦已上仙○二十八日以太上皇帝訃音詔諭中外○四月十七日戊申追尊道君皇帝為聖文仁德顯孝皇帝惠恭皇后王氏為顯恭皇后鄭氏為顯肅皇后

顯仁韋皇后

初入宮為侍御生高宗進封龍德宮賢妃從上皇北遷建炎改元遷尊為宣和太后紹興十二年南歸至臨安入居慈甯宮崩

壽八

宋史徽宗顯仁皇后韋氏紹興二十九年崩耐於永佑陵橫宮

顯仁皇后崩及虞祭或謂上哀勞欲以宰相行事杜莘老曰古今無是卒正之

文獻通考二十九年十一月十三日太常寺又言顯仁

皇后將來掩橫宮合行九虞祭依禮例掩橫宮畢行第一虞其第二第三第四第五虞並繫在路合於宿頓宗正郎行禮其第六虞在京日繫在瓊林苑今欲乞渡江訖令宗正卿行禮禮畢迎虞主入慈甯宮奉安皇帝服袍履導行慈甯宮門外有司奉安訖皇帝行安神之禮其第七第八第九虞依典故皇帝行禮百官陪位詔恭依

憲聖慈烈吳皇后

高宗為康王選入宮帝即位進貴妃憲節邢皇后北遷崩問至紹興十三年立為皇后帝內禪詔后稱太上皇后遷居德壽宮孝宗即位上尊號曰壽聖太上皇后上皇崩遺詔改稱皇太后光宗即位更號壽聖皇太后以壽皇故不稱太皇太后孝宗崩始正太皇太后之號甯宗立遷居重華宮崩年八十有三

宋史憲聖慈烈皇后慶元三年崩時光宗以太上皇承重甯宗降服齊衰期四年三月甲子權橫於永思陵后妃傳遺詔太上皇帝疾未痊愈宜於宮中承重皇帝

服齊衰五日以日易月詔服期年喪

文獻通考慶元三年憲聖太皇太后崩太上皇帝承重

皇帝降服齊衰布頭冠幘頭大袖襴衫裙袴腰經白綾

襯衫皇太后服太上皇帝喪成服麤布蓋頭衫帔首經

絹襯服每奠祭日俟皇帝權歸御幄次行燒香禮

成肅謝皇后幼冒霍姓入宮為普安郡王夫人王即位是為孝宗進貴如涓

宗崩尊為皇太后嘉泰二年加慈佑太皇太后三年崩

宋史禮志孝宗成肅皇后謝氏開禧三年崩殯於永阜

陵正北吏部尚書陸峻言伏觀列聖在御間有諸后上

仙緣無山陵可耐是致別葬若上仙在山陵已卜之後

無有不從葬者其他諸后葬在山陵之前神靈既安並

不遷耐惟元德章懿二后方其葬時名位未正續行追

冊其成穆皇后孝宗登極即行追冊改殯所為櫬宮典

禮已備與元德章懿事體不同所以更不遷耐竊稽前

件典禮祇緣喪有前後勢所當然其於禮意卻無隆殺

今來從葬阜陵為合典故從之

乾學案甯宗本紀開禧三年成肅太皇太后

謝氏崩傳云嘉泰三年崩誤也

慈懿李皇后聘為恭王妃進皇太子妃光宗即位立

文獻通考見六十九

恭聖仁烈楊皇后慶元元年封平樂郡夫人六年進貴妃恭淑

宋史恭聖仁烈皇后紹定五年十二月崩耐葬茂陵

讀禮通考卷第七十二

讀禮通考卷第七十三

經講官禮部侍郎龔翰翰林學士教諭皇充 大清宣統前總裁明史總裁徐乾學

喪儀節二十六

國恤八

太皇太后皇太后喪儀下

明仁宗誠孝張皇后 洪武中冊為燕世子妃仁宗立冊為皇后宣宗即位上尊號曰皇太后英宗即位加上太皇太后正

統七年崩合葬獻陵上尊諡誠孝 恭肅明德弘仁順天啟聖昭皇后

明會典正統七年誠孝皇太后喪禮遺詔喪服以日易月二十七日而除哭臨三日即止君臣皆同皇帝成服三日後即聽政天地宗廟社稷及百神之祀皆勿停宗室諸王但遣官進香不必送喪在外大小文武衙門並免進香臣民之家勿禁音樂嫁娶○部議一自聞喪日為始不鳴鐘鼓○一諸王世子郡王及王妃郡主以下

聞訃皆哭盡哀行五拜三叩頭禮畢易素服第四日始  
衰服二十七日而除○一在京文武官聞喪素服烏紗  
帽黑角帶自明日始至第三日每旦詣思善門外哭退  
於本衙門宿歇不飲酒食肉第三日具斬衰服至思善  
門外朝夕哭臨三日各十五舉聲止凡入朝及在外衙  
門視事用布裹紗帽素服腰經麻鞋退卽服衰服通前  
二十七日而除○一文武官一品至四品命婦麻布大  
袖員領長衫蓋頭清晨由西華門入至思善門外哭臨  
三日悉去金銀首飾仍素服二十七日而除○一在京  
以聞喪日爲始禁屠宰十三日○一軍民素服婦人素  
服不妝飾俱以聞喪日爲始二十七日而除○一外國  
四夷使臣行哭臨禮工部造與孝服隨朝官哭臨及行  
祭禮○一在京文武官非朝參官及聽選辦事官監生

吏典耆老僧道聞喪卽易素服自次日至第二日每日  
赴順天府朝闕設香案哭臨至第四日官各具斬衰服  
監生人等素服朝夕哭臨三日各十五舉聲止仍各素  
服通前二十七日而除○一遺詔到日在外文武官員  
人等素服烏紗帽黑角帶行四拜禮跪聽宣讀訖舉哀  
再行四拜禮畢各置斬衰服於衙門內望闕設香案朝  
夕哭臨三日各十五舉聲止自是素服通計二十七日  
而除○一在外官員命婦聞喪素服舉哀三日各十五  
舉聲通前二十七日而除軍民男女各素服十三日○  
一南京文職二品武職三品以上衙門在外中都留守  
司布政司按察司及總兵官差人進香其餘衙門皆免  
英宗孝莊錢皇后

名山藏正統七年冊爲皇后英宗北狩哭損一目夜禱  
卧地上損一股無子貴妃周氏生憲宗太監冕請立爲  
皇后英宗怒斥之英宗崩命大學士李賢曰錢皇后千秋萬歲後當與我合葬憲  
宗卽位議上兩宮徽號周貴妃不欲后並稱賢以遺命爭之上尊號曰慈懿皇太

后成化四年六月甲寅崩議附葬久而後定七月丙子上尊諡孝莊獻穆弘惠顯仁恭天欽聖睿皇后九月庚申附葬裕陵去英宗元堂可數丈許中室之虛右墻以待周太后則中有隧道可通

憲宗實錄成化四年六月己丑朔丙辰詔禮部會文武羣臣議大行慈懿皇太后陵寢太子少保文淵閣大學士彭時言大行慈懿皇太后作配英宗皇帝正位中宮及皇上嗣居宸極尊為慈懿皇太后蓋先帝全夫婦大倫皇上全母子深恩天下後世無容議矣今位號彰著於海宇已數十年則壽終之後所宜奉梓宮附於裕陵奉神主附於太廟此古今不易之理亦先帝與皇上全大倫深恩之心也今聞聖命欲別卜葬地臣等實竊疑懼竊謂皇上所以若是者必以今皇太后千秋萬年之後當與先帝同尊於陵廟有嫌二后並配本朝之制有二太后方自今始則陵廟之制亦當自今日考諸古協

諸義以行之臣等考之前代一帝二后並附陵廟者未易悉數只如漢文帝尊其所生母薄太后然於其適母呂太后雖得罪於宗社尚且仍與父高帝並葬長陵無所改易此文帝所以號為孝文高出漢諸帝之上也又如宋仁宗追尊其生母李宸妃為太后然於其適母章獻劉太后雖本無子尚且仍與父真宗同祭太廟無所嫌忌此仁宗所以稱為賢君高出宋諸帝之上也皇上與慈懿皇太后昔日致其養今日盡其哀雖文帝仁宗無以加矣若陵廟之耐稍有未合於禮則致貽後悔有揜前美況千秋萬年之後今皇太后與慈懿皇太后同在陵廟不相妨礙且愈足以見二太后生存之日雍容無間永久之後並美無窮載諸史冊增我皇明之光彰我皇上之孝此臣等所深願也伏望皇上體先帝之心

稽前代之制念綱常之大以臣等所言下禮部會皇親  
公侯駙馬伯文武羣臣議務合天理允愜人心則國家  
幸甚天下幸甚○七月禮部尚書姚夔及在廷文武大  
臣翰林院科道等官九十九員集議陵廟禮制奏曰大  
行慈懿皇太后作配先帝二十餘年誠孝一心夷險一  
德孚於中外是以先帝春秋優隆始終無間陛下嗣位  
之初既致隆於所尊而加慈懿之徽稱復推崇於所親  
而上皇太后之尊號兩宮之名號既同二母之體位相  
等陛下之孝養如一天下之人皆知陛下克體先帝初  
心以爲至仁大孝莫過於此夫善繼善述是之爲孝事  
死如生尤孝之至也今慈懿皇太后之喪與皇太后干  
秋萬歲後俱合葬裕陵慈懿皇太后居左皇太后居右  
配享英廟禮亦宜然是乃天理人情之至也萬一合葬

祔廟之制少有疑沮不合典禮關係非小在廷百辟將  
有言之天下之人將有言之宗室親藩將有言之萬世  
之下亦將有言之安保將來終無據禮改而從正者乎  
上批答曰卿等所言固是正理但聖母在上事有空礙  
朕累請命未蒙俞允朕平昔孝養兩宮如一若因此爲  
忤致有他虞豈得爲孝今當於裕陵左右擇吉地安葬  
崇奉如禮庶幾兩全卿等其體朕意翌日詹事府少詹  
事兼翰林院學士柯潛暨國子監祭酒邢讓等三十二  
員上言伏惟慈懿皇太后梓宮當合葬裕陵神主當祔  
太廟內閣臣彭時等引漢呂后雖有罪宋劉后雖無子  
猶得合葬祔廟爲言此誠綱常所繫萬世不易之論也  
皇上是其言且下羣臣議羣臣皆言慈懿皇太后當祔  
左皇太后萬歲後當祔右亦庶幾從宜而不失者二后

同葬裕陵並祔英廟於人心爲安於皇太后無損陛下何疑而不斷乎慈懿皇太后在先帝臨御之時正位中宮歷年二紀曾無纖毫失德而陛下繼統之初尊崇聖母加號兩宮禮儀如一孝養無二今若合葬祔廟之禮有闕則先帝在天之靈必有不安天下後世謂皇太后與陛下爲何如臣等歷觀前代未有爲皇太后始終無纖毫他故而不得合葬祔廟者也逢迎者或以宣廟胡皇后爲言此與今日事體萬萬不侔胡皇后乃宣廟在御之日已讓位於孝恭章皇后今則先帝臨御未聞慈懿皇太后之嘗退讓也且先帝於胡皇后亦已復正尊號增修陵寢一依后禮矣或又以爲慈懿皇太后雖未嘗退讓而無所出此又不通之論也禮有之妻與繼室雖無所出合祔其夫宗正體也然則慈懿皇太后不可

以無出而不合葬於裕陵也明矣縱使皇太后意有不憚陛下當念先帝遵典禮爲重而於母后從義不從命可也矧皇太后聰明睿智洞識倫理陛下堅以爲請理無不從此蓋人倫之本風化之原伏乞早降綸音以慰先帝之靈以全母后之德以順天下臣民之心而陛下至仁大孝真足以爲法於天下垂訓於萬世矣明日魏國公徐輔合公侯駙馬伯都督錦衣衛指揮等官三十五人復上言曰近因太子少傅彭時禮部尙書姚夔等所議慈懿皇太后合葬祔廟事昨日於文華殿面奉德音事有窒礙未蒙俞允臣等至愚亦知陛下純孝至情有難處焉者然臣聞廷有諍臣實爲美事君能從諫允合天經伏望陛下起敬起孝和氣婉容上回聖母之心下慰羣臣之望禮科等科左給事中魏元等三十九員



復上言曰臣等伏念父母有過爲人子者若不以泣諫求其必改而後已是將陷親於不義不得謂之孝子人君有過爲人臣者若不以死諫求其必從而後已是將致君於非禮不得謂之忠臣仰惟慈懿皇太后之喪廷臣所議合葬祔廟之禮其名正其言順允合天理克當人心此萬古不易之典今陛下以爲事有窒礙欲於裕陵左右擇地安葬崇奉如禮臣等聞孔子有曰生事之以禮死葬之以禮祭之以禮夫禮者天理之節文人事之儀則今欲置梓宮於別處必將奉神主於別室是於天理未安人事不順以是葬祭爲崇奉如禮此臣等所未喻也若以爲出於聖母之意當起敬起孝悅則復諫不可因未得命而遽已今陛下既知廷臣所議爲正理而未能論諫聖母以必從恐或陷於有過之地而不得

於天下之心未得爲孝子之至臣等既知其非禮不能死諍是又將置陛下於有過之地而貽天下萬世之譏又豈愛君之道哉河南等道監察御史康永韶等四十一員復上言曰人君之治天下莫大於孝而孝莫大於愛親愛親者不在於從命而在於從義蓋從命乃一時承順之私從義誠萬世至當之公順一時之私孝之小者從萬世之公孝之大者邇者廷臣進議慈懿皇太后合葬祔廟之禮陛下以爲聖母在上事有窒礙未蒙俞允臣等有以知陛下非不欲俯徇羣臣之議但以重違聖母之命爾夫眾臣之議天下之公論也聖母之命一時之私恩也從天下之公則綱常正倫理順慰先帝之心愜天下之望從一時之私則綱常斁倫理虧違先帝之意起天下之疑公私之間所繫非小伏惟陛下斷以

大義俯從公議幸甚禮部尙書姚夔合六部都察院通  
政司大理寺等衙門尙書李秉等四十四人復上言曰  
天下者祖宗之天下皇上有祖宗之天下當謹守祖宗  
之成法我國家立法垂憲一本乎三綱五常之道而議  
禮制度尤嚴於君臣父子夫婦之間今慈懿皇太后之  
喪禮宜合葬祔廟乃祖宗之成法而先帝之遺意也陛  
下重以母后之命恐拂其意有所從違臣等以爲母后  
之命固所當從而祖宗之法尤所當重母后之意固未  
可違而先帝之意尤不可違母后天性聰明敦厚倫理  
其意未必不可回在陛下處之而已禮曰起敬起孝悅  
則復諫若母后之意果不見從則當斷以大義亦在陛  
下處之而已時文武羣臣旣上奏復跪伏文華門前以  
待必從而後已上悉覽其奏復懇請於皇太后自己至

申稍見從遂出數奏同辭批答云卿等所言皆合朕意  
合葬之禮蒙允行矣於是文武羣臣皆呼萬歲而退  
彭時可齋雜記戊子六月二十八日慈懿皇太后上  
仙次日內臣傅恭夏時同司禮傳旨者在者皆不敢對  
時與劉商二學士後至又問如前時對曰此一定禮  
無可議者梓宮當合葬裕陵神主當祔廟禮部尙書  
姚夔乃云此是正禮內臣懷恩心知其正而不敢言  
夏時獨曰不可慈懿無子且有疾豈可入山陵只可  
比葬胡后例西山時曰太后母儀天下近三十年爲  
臣子者豈忍議別葬此事關繫非小一或乖禮何以  
示天下內臣不以爲然曰且散待請旨再議時退謂  
同僚曰此事當力諍不可使上有失德二公曰然待  
他人先言我輩贊成之爲好恐先言觸怒則事不可

爲矣時曰如此固當儻無人奈何已而上御文華後殿召臣時三人并諸內臣至前面議上曰慈懿娘娘葬禮當如何時對曰只合依正禮行上曰朕豈不知依正禮行是好但與周娘娘有礙故令爾等會議務要處得合宜時曰皇上孝事兩宮聖德彰著今奉梓宮合葬裕陵以全聖孝爲宜商曰外議洵洵若不耐葬則人心不服且於聖德有損劉曰孝子從義不從令雖聖母有命亦不可從也上默然良久曰合葬固是孝若因此失娘娘心亦豈得爲孝平時曰皇上下大孝當以先帝之心爲心先帝待慈懿娘娘始終如一今若安厝於左虛其右以待後來則兩全其美庶不失先帝之意夏曰此先閣下議作三位已不允今如何行得時曰此時慮有今日故豫爲此議今須依此

處置爲宜上雖未允而無怒容時因曰臣等意未盡欲具本言之乞皇上再三申勸聖母以終大事上曰進來看當晚時等具本進有旨令百官議明日禮部集公侯駙馬伯文武大臣議皆云時等言是內批未允猶欲別擇地於是百官伏文華殿門號哭不起聲聞於內內臣傳旨諭眾人退皆應爲不得令不敢退時與劉商進曰人心如此天理所在伏惟朝廷俯從羣情於是內批諭羣臣云卿等昨者會議慈懿皇太后合祔陵廟固朕素志但聖母疑事有相妨未卽俞允朕心終不自安再三據禮祈請聖慈開諭特賜允諾卿等其如前議施行勿有所疑故諭眾聞命咸稱萬歲

賀欽醫閩集成化戊子六月二十六日慈懿皇太后

崩詔內閣議別葬不耐裕陵時大學士時等上疏言  
大行慈懿皇太后今日耐葬與皇太后萬歲後葬耐  
自不相妨不宜生嫌別議以失大倫皇太后不允堅  
欲別葬上御文華殿集文武羣臣論旨羣臣無以應  
叩首而退時科道官列後聽聖旨不審及退刑科給  
事中毛弘北面以手遮大學士時等曰面評廷論此  
其時也何以退時等以從容答之比出文華門諸大  
臣多徑出有至左順門西者科道官尙集議文華門  
西謂失此機會恐後終無挽回之理科道官禮部尙  
書夔等乃跪伏文華門外不出時大臣尙多觀望禮  
科給事中張賓大聲呼曰諸大臣平日居大位享大  
祿受國厚恩今朝廷有事乃不諍將何往眾乃無敢  
不至而司禮太監懷恩等出夔等迎而哭曰大行慈  
懿皇太后不耐裕陵大不可者太監何不諍之恩曰  
我不避死公等當何如弘對曰吾輩豈敢避死今日  
幸朝廷不失倫雖死何憾不然致他日宗社不安雖  
舉族死亦何益邪恩曰恩等每進諫太后輒怒曰爾  
等逼我死萬一太后果欠安不幾陷吾君於不孝乎  
弘曰論親於道方可謂孝若阿從太后一時之意不  
以耐葬使太后得罪先帝則是陷親不義安得爲孝  
邪眾官皆哭恩等亦哭聲達於內時殿門雖闔而上  
猶在御蓋以察羣臣退言何如爾恩等止哭諭羣臣  
少退俟再奏眾退各衙門章連上上自持章奏太后  
太后知羣情不從乃允之上御文華殿集羣臣論以  
請命太后得允悉如羣臣議眾叩首呼萬歲聲動宮  
闕而退

睿宗慈孝蔣皇后

弘治五年冊為興王妃世宗即位尊為興獻皇后加上尊號本生母章聖皇太后尋改聖母章聖皇太后崩上

尊諡曰慈孝貞順仁敬誠一安天誕聖獻皇后

典禮志嘉靖十七年十二月壬寅章聖慈仁康靖貞壽皇太后崩上詣慈甯宮舉哀括髮設奠歸喪次文武羣臣哭臨如儀十二月三十日服制已滿禮部請正旦朝賀先是禮部奏請三奉旨罷免至是上報曰履端歲首朝會之始但昨方除服梓宮在上卿等屢以禮請朕謂當行實事於奉天門百官青衣本等帶五拜三叩首不必公服致辭鐘鼓鳴鞭俱輟之禮部復請上具翼善冠黃袍御殿百官公服致辭鳴鐘鼓鳴鞭奏堂上樂上曰改歲更始王者奉順天道不可不重有謂弗宜非知道者既在除服外其如議行子刻初朕用祭服於元極寶殿行告祀禮前期變服立色吉衣几筵四七節權命內

侍行禮

明會典嘉靖十七年上章聖皇太后慈諡儀前期四日太常寺奏齋戒三日至日遣官奏告天地宗廟社稷用祝文香帛酒果脯醢如常儀是日蚤告几筵設冊寶案於几筵前冊東寶西設祝案於御拜位右祭前一日內侍官置冊寶輿香亭於奉天門捧冊寶各置輿中是日上素冠服御奉天門內侍官舉輿外導駕官導上隨冊寶輿後降階升輅外導駕官退百官素服於金水橋南北向立冊寶輿將至百官皆跪冊寶輿過輿隨至慈甯宮門外北向立太常寺導引官導上至慈甯宮外降輅冊寶輿由中門進至几筵前丹陛上導引官導上由左門入至丹墀內贊唱執事官各司其事導引官導上至丹陛上拜位太常寺官於冊寶輿內捧冊寶由殿中門

入至几筵前左右北向立內贊奏四拜禮外鴻臚寺官  
傳唱百官皆行四拜禮畢導引官導上由殿左門入至  
梓宮前奏跪傳贊百官皆跪奏進冊捧冊官以冊跪進於上受冊  
獻畢以授捧冊官置於案奏進寶捧寶官以寶跪進於  
上左上受寶獻畢以授捧寶官置於案奏宣冊寶訖奏  
俯伏興平身傳贊百官同奏復位導引官導上至几筵前唱初  
獻禮奏跪傳贊百官皆跪奏獻帛奠酒贊讀祝讀祝官跪於右讀  
訖唱亞獻禮終獻禮奏俯伏興平身傳贊百官同奏復位導引  
官導上由殿左門出至拜位奏四拜傳贊百官同導引官導上  
由左門入至梓宮前以冊寶授太常寺官捧入導引官  
導上入內安冊寶行叩頭禮導引官導上由左門出至  
丹陛上奏禮畢遂頒詔如常儀

世宗實錄嘉靖十七年十二月丙寅大行皇太后慈諡

冊文曰臣聞頌稱壽母子賴以成者遠風美賢妃化行  
於助者深是故母儀所被萬方仰其徽音內治明彰閨  
門由之正始永惟懿德卓輝前聞自非隆大號於追崇  
曷以酬至恩於罔極粵詢古式率乃尋章恭惟皇妣大  
行章聖慈仁康靜貞壽皇太后貞明合天廣大法地宅  
心專靜坤道得一以甯約已儉約母德用慈爲寶於憲  
皇有逮事之孝敬於睿考有輔佐之憂勤爰及眇躬之  
踐祚式臨慈極以居尊蘊性仁恭豈馬鄧之足尙秉心  
敬愛嗣任妣之芳徽化洽六宮恩覃四域三十載化行  
於江漢之國十七年受養於長樂之宮九廟聖靈儼禕  
衣而祇謁七陵闕寢勤鸞馭以瞻依忻介百福以有永  
宜享千齡於無疆豈意天不憖遺雖切攀號何逮追惟  
顧復徒創鉅而感深上荷劬勞實叩心而銜恤茲欲播

言前卷三  
二  
休聲於後嗣揚芳烈於無窮匪易大名曷尊至德敬遵  
典禮請命於天謹奉冊寶上尊諡曰慈孝貞順仁敬誠  
一安天誕聖獻皇后伏惟親慈降鑒臨享徽稱陟祔嚴  
宮萃歆萬禩佑予嗣人永永無極

典禮志上敕諭禮工二部曰皇考顯陵在承天山川淺  
薄堂隧狹陋今長陵西一支曰大峪嶺茲欲迎皇考遷  
祔命駙馬都尉崔元兵部尙書張瓚太監鮑忠詣承天  
迎獻皇梓宮壬子發京師躬視大峪御史陳讓請奉獻  
皇遺衣冠與章聖太后合葬於大峪又以章聖遺冠帔  
合葬於顯陵上曰並建二陵用衣冠交葬從古所無誠  
屬乖謬黜爲民上復諭輔臣曰奉藏遺體已二十歲安  
忍啟露茲欲奉慈宮南詣合葬禮臣曰靈駕北來慈宮  
南詣其理一也請如前議上曰孝陵在南京歲時展謁

得親觀否卿等請如前議朕心終不安乃停崔元等三  
使惟令錦衣衛指揮趙俊齎吉凶儀仗往且啟視顯陵  
元宮馳報禮臣請卽聖心所安者行之姑待趙俊歸上  
曰不斷乃婦人事朕意決矣三月駕抵承天謁顯陵遂  
定新元宮已復諭行在禮部曰朕視吉壤甚無謂夫旣  
重卜何爲來此惟純德山效靈皇考甯處久矣卿等其  
持此贊朕時上意欲奉皇考純德而葬慈宮大峪故微  
示其意於是御史謝少南請脩慶都堯母祠上曰帝堯  
父母異陵可知合葬非古改少南左春坊左司直兼翰  
林院檢討詔以五月發引上復躬視大峪召禮部尙書  
嚴嵩諭之曰是地空淒不如純德完美其用前議遂令  
合葬禮舉慰神之禮於永孝殿后妃與事上曰以此盡  
子婦情也

明會典嘉靖十八年章聖皇太后梓宮南祔。一先期  
敕命勳戚重臣一員充奠獻使并護行武職大臣一員  
管領官軍扈侍梓宮行禮部堂上官一員監禮扈行題  
主大臣一員護喪內侍官并八皇堂內官內使匠作大  
常少卿一員執事官十人鴻臚寺少卿一員屬官等十  
人光祿寺少卿一員四署官四人錦衣衛指揮一員千  
百戶四人各供事給事中御史各二人監視糾察欽天  
監官一員奉博士一員安葬候時五府九卿等衙門分  
官奉送梓宮俱照欽點職名各送至張家灣水次恭祭  
而回工部委官會同內官監先次於通州及張家灣水  
次二處搭蓋奉安梓宮席殿及朝陽門至通州各處祭  
所席棚及行文沿路府州縣各該有司預於水次搭蓋  
祭所席棚。一前期二日百官及皇親命婦文武官三

品以上命婦俱衰服每日蚤詣慈甯宮門外哭臨命婦  
設祭一壇免朝禁屠宰音樂至神主回京日止。一前  
期六日以皇妣祔葬顯陵祭告太廟睿宗廟遣官分告  
列聖羣廟越二日上吉服告天神地祇壇祭品行禮俱  
如常儀百官陪拜又二日上預告凡筵內侍官陳設牲  
醴如常儀上具衰服內導引官導上詣拜位奏四拜奠  
帛三奠酒讀祝俛伏舉哀哀止奏四拜興焚祝帛禮畢  
○一設奠辭靈昭聖皇太后遣祭一壇武廟皇妃一壇  
皇后一壇皇妃皇嬪各一壇皇太子一壇裕王景王仁  
和大長公主等一壇涇簡王妃一壇內官內使共一壇  
是日遣官祭告各門及諸神廟慈甯門思善門右順門  
午門端門承天門御橋大明門俱遣內官行禮玉河橋  
朝陽門并橋關王廟顯靈宮靈濟宮城隍廟東嶽廟真



武廟俱遣太常寺官行禮祭用酒果脯醢香帛司禮監  
禮部錦衣衛提督執事者設大昇輿於午門外至大明  
門外○一啟奠內侍官陳設酒饌拜位如常儀內導引  
官導上具衰服詣拜位奏拜奠讀祝舉哀禮畢內侍官  
跪奏請慈孝獻皇后梓宮升龍輅內侍官先捧謚冊寶  
由殿中門出置輿內次奉桑主由中門出奉安輿內次  
香亭安置訖內侍官捧銘旌由中門出梓宮降殿執事  
官奉登龍輅訖以綵色帷幕障飾梓宮執鬻者分列左  
右內使擎執繖扇侍衛如常儀儀仗用存謚冊寶與香亭  
銘旌以次先行上至梓宮前跪內侍官跪奏謹請皇妣  
靈駕進發上由殿左門出宮眷皆哭後隨至午門內侍  
官跪奏請靈駕安止安定行祖奠禮○一祖奠內侍官  
陳設酒饌拜位如常儀內導引官導上衰服拜奠讀祝

舉哀畢內侍官跪奏請靈駕進發執事者進大昇輿安  
奉訖遂行上率宮眷隨至端門外行朝祖禮○一朝祖  
欽定捧主官九員俱具青服恭捧各廟主詣太廟奉安  
訖太常寺陳設脯醢酒果於列聖位前不奠獻執事官  
先設褥位於太廟丹陛正中梓宮至端門外上具青服  
太常寺導引官導上詣桑主輿前跪太常卿跪於上之  
左奏請慈孝獻皇后朝祖上捧桑主由太廟中門入至  
太廟丹陛上立典儀唱迎神各捧主官上香退典儀唱  
行朝祖禮太常卿進立於殿中北向內贊奏跪上捧桑  
主跪奉於褥位內贊奏謁辭太常跪奏曰孝玄孫嗣皇  
帝御名謹奉慈孝獻皇后謁辭訖內贊奏四拜禮興平  
身上跪捧桑主起立太常卿跪奏曰禮畢請還宮捧主  
官納主還各廟上捧桑主退至陛東西面立隨列聖主

後出安亭內行辭奠禮○一辭奠先期太常寺官於承  
天門內陳設牲醴如常儀內侍官設上拜位設宮眷帷  
幕於近西桑主朝祖禮畢上易衰服太常寺導引官導  
上詣拜位內贊奏上香奏二拜典儀唱奠帛三獻讀祝  
俛伏舉哀哀止奏二拜焚帛祝禮畢上退宮眷人拜哭  
盡哀止太常寺官跪奏請靈駕進發上攀送而還宮眷  
俱還司禮監禮部錦衣衛官提督輿亭儀衛等以次前  
行梓宮出承天門大明門轉東由朝陽門出大樂鼓吹  
前導設而不作○一遣奠先期太常寺執事官於朝陽  
門外陳設牲醴如常儀梓宮至太常寺導引官引奠獻  
使詣拜位行四拜禮奠帛奠酒讀祝俛伏舉哀哀止贊  
四拜興焚祝帛禮畢太常寺官詣梓宮前跪奏請梓宮  
啟行○一路祭公侯伯五府九卿等衙門等官員耆老

人等其祭一壇

朝陽關外五里

僧道官其一壇

通州

皇親及駙馬共

祭一壇各衙門奉送梓宮官員一壇

俱張家灣

○一京城至張

家灣沿途市巷軍民男婦遇梓宮至皆跪俛伏舉哀候

梓宮過輿○一大昇輿行沿途校尉舁送選委內官同  
錦衣衛官專一提督務要起止有節行步安穩送葬官  
員人等不許逼近儀仗失次誼壤有失禮儀者聽糾儀  
官舉奏○一題主前期內侍官設神座香案於通州席  
殿內靈駕至奉安訖奠獻使行上食禮畢退執事陳設  
祭品設題主案於香案前西向奉桑主置案上奠獻使  
具青服百官俱釋衰具青服陪拜太常寺官引使就拜  
位贊三上香訖贊四拜興退百官分侍左右題主官盥  
手西向立恭題訖內侍官捧主奉安神座命官青服行  
降神禮○一降神典儀唱執事官各司其事贊就位贊

言苑卷三十三  
上香復位贊四拜同唱奠帛行初獻禮獻爵讀祝亞獻  
終獻贊四拜焚祝帛禮畢太常官跪奏請慈孝獻皇后  
神主降座陞輿命官捧陞輿還京內侍官捧桑主用白  
韜櫃靈駕行內執事官焚楮駕凶儀於野○一次日神  
主回京內執事官備儀衛教坊司大樂鼓吹前導至道  
中行饗神禮命官具青綠錦繡服色同典儀唱執事官  
各司其事贊就位贊上香復位贊四拜同唱奠帛行初  
獻禮獻爵讀祝亞獻終獻贊四拜焚祝帛禮畢神主輿  
行至朝陽門命官具吉服隨行同至午門外儀衛等退  
內導引官導神主人上具常服率皇后宮眷等迎神主  
於慈甯門外武廟皇妃公主涇簡王妃等迎於宮內俱  
吉服神主至几筵殿內上立於殿東稍南西向皇后皇  
妃以下序立於殿西稍南東向內侍官詣靈輿前跪奏

請慈孝獻皇后神主降輿陞座畢上捧神主奉安於靈  
座訖行安神禮內執事官陳設牲醴如常儀內導引官  
導上詣拜位奏拜奠讀祝禮畢后妃以下人行四拜禮  
鴻臚寺官引百官於慈甯宮門外隨班行禮如儀○一神  
主輿行奠獻使等官行叩頭禮上食畢太常寺官跪奏  
請梓宮啟行至張家灣奉梓宮登舟奉安訖行祭告禮  
太常寺官陳設奠獻使行禮如常儀各衙門奉送官俱  
陪拜祭畢舟發沿途每日三上食奠獻等官俱素冠服  
詣梓宮前行叩頭禮如常儀神宮監上膳監恭辦上食  
饌五樣蔬果酒膳○一經過有王府去處許王素服出  
迎致祭該府官預陳設祭物於水次席殿其附近王府  
許遣輔導官致祭行禮○一南京守備文武衙門各處  
鎮巡三司官梓宮舟經及附近去處俱致祭舉哀與王

府遣官同所轄有司大小官員通許陪拜致祭品物簇盤一座豕一羊一果五盤飽煤五盤俱用顏紙花案酒五樣茶五碟粉湯五盃飯五盃帛一段酒三爵香燭紙陳設如儀○一梓宮自通州登舟抵承天府張家灣祭潞河之神天津祭海口之神安平鎮祭龍王之神徐州呂梁二處祭洪神淮河口祭淮瀆之神儀真南京祭大江之神彭澤祭小孤山之神九江之神漢江之神所過大川並用牲醴致祭俱勳臣具青服行禮其各處應祀水府之神開載未備者臨期斟酌致祭○一先期遣官祭告顯陵光祿寺官陳設牲醴百官陪拜如常儀○一舟至承天府太常寺官陳設祭告牲醴如儀百官員衰服奉迎梓宮升席殿奉安訖奠獻使行祭告禮師生耆老人等俱隨班拜奠獻使先詣睿宗舊寢前行禮畢奉遷睿宗梓宮安

於稜恩殿復詣聖母梓宮前候發執事官先陳龍輜於稜恩殿門外候大昇輿至太常官詣前跪奏請靈駕降輿升龍輜詣稜恩殿執事官奉梓宮升龍輜由中門入奠獻使由左門入詣稜恩殿奉安訖謚冊寶輿仍設於前○一安神執事官陳設酒饌如常儀設奠獻使拜位於二聖梓宮前內侍官引奠獻使詣拜位行禮執事撫按等官陪拜○一以合葬祭告后土并純德山之神陳設牲醴如常儀○一遷奠執事官陳設酒饌如常儀奠獻使詣拜位舉哀行禮退候掩玄宮時至太常官引詣二聖梓宮前跪太常官奏請靈駕赴玄宮奠獻使俛伏興執事官升奉遷二聖梓宮進皇堂奉安訖太常官同內侍官奉謚冊寶置於前陳列明器等畢行贈禮○一贈禮內執事官陳設酒饌於皇堂門外奉玉帛置於案

奠獻使詣拜位贊四拜奠酒受玉帛獻畢以授內執事  
捧入皇堂安置訖俛伏興贊四拜舉哀興贊贈事畢遂  
掩玄宮行享禮執事官陳牲醴於玄宮前如常儀太常  
官引使詣拜位行禮百官陪拜○一掩玄宮畢太常寺  
官同內侍官恭奉喪主并魂帛奉藏於堂門外遣官祭  
謝后土并純德山之神陳設酒饌如常儀禮同祭告奠獻使  
執事等官回京復命

十八年獻皇后梓宮發引南附至通州卽以其日題主  
次日奉神主入慈甯宮儀具喪禮下俟南附葬畢附廟先期太  
常寺奏祭祀請欽命大臣九員以附享告於大廟羣廟  
八員候祭日捧各廟神主諭文武官及命婦照例陪祭  
先期一日太常寺官設牲醴於太廟司設監設神座於  
睿宗廟錦衣衛設儀衛於午門外是日早內執事設酒

酒饌於慈甯宮設衣冠於几筵前進神主興於殿前設  
衣冠輿於丹陛上內導引官導上詣拜位奏四拜興立  
於拜位之東西向內侍官詣靈座前跪奏請慈孝獻皇  
后神主降座升輿詣太廟附享奏訖上捧神主由殿中  
門出奉安於輿內執事官捧衣冠置於輿後隨內侍擎  
繖扇如儀上至右順門具祭服陞輅後隨文武百官具  
朝服於金水橋南跪迎神主輿候駕過退文官四品以  
上武官三品以上陪祀命婦先由東安門入各就拜位  
東西近兩廡稍北幃以帷幕駕至太廟南門各廟遣官  
捧列聖帝后主以次奉安上降輅詣輿前跪太常寺官  
奏請慈孝獻皇后神主降輿上指主捧神主出輿由中  
門入內侍官捧衣冠隨入至廟丹陛上典儀唱樂舞生  
就位執事官各司其事唱迎神樂作典儀奏慈孝獻皇

后謁廟上捧神主入內侍官捧衣冠隨入內贊奏就位  
上捧神主就位安於拜褥上太常寺卿奏孝玄孫嗣皇  
帝御名恭奉皇妣慈孝獻皇后祔廟參拜內贊奏五拜  
三叩頭禮上捧主朝上立太常寺卿唱賜坐上捧主安  
於睿宗廟神座出主復位導引官導上至香案前上香  
如儀復位奏四拜傳贊陪祀官同典儀唱奠帛行初獻禮上至太  
祖神位前獻帛獻爵訖復詣高皇后神位前獻爵復位  
各廟俱捧主官捧帛獻訖內贊奏讀祝讀訖俛伏興  
復位行亞獻禮女官奏中宮獻太廟爵皇妃八氏獻八  
廟爵儀同初獻上復行終獻如初獻禮畢飲福受胙以至徹饌  
送神樂作樂止俱如儀禮畢上捧太祖主各捧主官捧  
各廟主奉安於寢殿捧睿宗主官同內侍官捧慈孝獻  
皇后主奉安於睿宗廟禮畢上還宮○祝文維嘉靖十

八年八月辛未日孝玄孫嗣皇帝御名謹昭告于祖宗  
列聖帝后曰茲奉皇妣慈孝貞順仁敬誠一安天誕聖  
獻皇后神主升祔廟享恭申祇謁謹以牲牢醴齊粢盛  
庶品致祭伏惟尚享

乾學案祔廟凶禮也而登歌奏舞竟同之於  
吉禮此何所本乎明世君臣之不學無術如  
此

憲宗母孝肅周太后名山藏天順元年冊為皇貴妃憲宗即位上尊號  
皇太后成化二十三年加上尊號聖慈仁壽皇太  
后孝宗即位加上聖慈仁壽太皇太后弘治十七年崩議上尊號孝肅貞順康  
懿光烈輔天成聖太皇太后未及上孝宗與閣臣議別祀奉慈殿不祔太廟  
明典禮志弘治十七年三月壬戌聖慈仁壽太皇太后  
崩上素服詣太皇太后宮舉哀哀止括髮設奠復舉哀  
畢歸喪次英廟皇妃皇太后憲宗孝貞王皇后憲廟皇  
妃皇后皇太子親王公主王妃各歸喪次上舉哀朝夕

設奠英廟皇妃皇太后以下哭臨次日上素服束髮設奠奉安梓宮設几筵上衰服祭英廟皇妃皇太后以下皆成服各祭○一在京文武官聞喪之三日詣清甯門外哭四日具斬衰服哭臨三日在署視事孝服命婦哭臨皆如儀

孝宗實錄弘治十七年三月十六日大行聖慈仁壽皇太后喪上御西角門朝退遣內官召大學士劉健李東陽謝遷至門內扉遂闔上帶翼善冠素服腰絰麻屨御暖閣素幄起立牀前左右皆屏不敢近臣健等叩頭畢致辭奉慰上顧謂曰先生輩上來臣健等皆至幄內上曰爲陵廟事與先生輩商量臣健等仰奏曰昨蒙遣太監扶安諭示孝莊睿皇后葬不合禮欲爲釐正此誠盛禮事臣等仰見皇上聖孝高出前古不勝忻慕上袖出

裕陵圖一紙指示陵門內有二隧道其一西行北轉而至者爲英宗皇堂虛其右壙而中有道可通往來其一東行北轉而至者爲孝莊玄堂相去可數丈中隔不通因曰此大非禮臣東陽奏曰此事臣等初不知上曰先生輩如何得知都是內官做的句當又曰內官有幾箇識道理的昨見成化年間彭時姚夔輩奏章先朝大臣都忠厚爲國如此臣健臣遷對曰英宗皇帝常有遺命錢后與我合葬大學士李賢記在閣下上曰既有遺命當時奈何違之臣東陽對曰臣等聞當時尙有別議委曲至此恐非先帝本意上曰先帝亦甚不得已耳臣健等奏曰誠如聖諭但今日斷自聖衷勿憚改作則天下臣民無不痛快垂之史冊萬世有光矣上曰欽天監言恐動風水朕不以爲然臣遷對曰陰陽拘忌之說不足

信上曰朕已折之矣今開壙合葬不爲動風水乎皇堂不通則天地否塞因以指畫紙曰若如此通通則風氣流行惡得言動惟一點誠心爲之料亦無害臣東陽贊曰皇上一念孝誠可以格天吉無不利臣健等皆力贊曰皇上所見高出尋常萬萬願勿復疑上曰此事不難若祔廟之禮尤所當講臣健等奏曰昔年奏議已定慈懿太后居左今大行太皇太后居右合祔裕陵配享英廟且引唐宋故事爲證臣等以此不敢輕議其實漢以前惟一帝一后唐始有二后宋亦有二后竝祔者上曰二后已非若三后尤爲非禮臣遷對曰彼三后一乃繼立一則所生母也上曰事須師古末世鄙褻之事不足學臣東陽對曰皇上當以堯舜爲法上曰然宗廟事關繫綱常極重豈可有毫髮僭差太皇太后鞠育朕躬恩

德深厚朕何敢忘但一人之私情耳錢太后乃皇祖册立正后我朝祖宗以來惟一帝一后今若竝祔乃從朕壞起恐後來雜亂無紀極耳且奉先之祭先生輩尙不知英宗皇祖止設一座每祭飯一分匙一張而已臣健等倉猝不解上意但應曰唯唯退思之蓋止容二分而孝莊尙未配食也上又曰孝穆太后朕生身母止尊稱爲皇太后別祀於奉慈殿今仁壽宮前殿儘寬意欲奉太皇太后於此他日歲時祭享一如太廟不敢少闕臣健等皆未敢應疑聖意蓋謂今皇太后千秋萬壽後也臣東陽贊曰皇上言及孝穆太后尤見至公至正之心可以服天下矣上曰此事卻難處之行之則理有未安不行則違先帝之意又違眾議眾議猶可奈先帝何朕常思之夜不能寐先帝固重而祖宗之制爲尤重耳臣



東陽對曰願聖見主張得定臣等無不奉行上曰朕亦難於降旨先生輩是朕心腹大臣好爲處置臣健等曰須下禮官令多官議之上曰雖多官亦不敢主張仍須先生輩爲之耳臣健等曰容臣等計議上聞上曰先生輩辛苦且回去辦事是日上稱心腹者三呼先生者以十數臣健等感激稱謝皆叩頭起上前下板階願內官啟扉立送而出時尊諡議已進奉旨撰冊未上几筵臣健等乃具題本稱當時先帝遇難處之事羣臣爲委曲將順之辭或者不能無疑乞敕禮部會集多官再加詳議次日朝退上起立呼內閣臣健等至殿閣幄前立問曰先生輩昨日所進題令多官會議是幾箇衙門臣健等對曰卽前日進諡議者臣東陽歷對曰五府六部都察院通政司大理寺及詹事府翰林院言未畢上遽曰

有翰林院最好考據古今大典禮須用翰林院又曰有科道乎皆對曰有上又曰好少頃曰別無言語回去辦事蓋是日專爲翰林問也自是每召上袖出會議本問曰此事如何臣健等對曰議得是臣東陽奏曰未知聖意如何上曰先生輩如何說臣健等曰正是古禮上曰仍稱太皇太后可否皆對曰既是別廟須如此稱爲當上曰如此批答臣遷對曰須說得委曲臣東陽曰要見是重事上曰然宗廟事重要見今後世子孫崇奉不闕之意此本隨文書下來臣東陽曰臣等領去臣健亦云卽以本授臣復送而出二十二日復召上袖出奉先殿圖指示曰此與太廟寢殿規制一般常時薦祭皆在此又指其廊間有門通西一區曰此奉慈殿也舊爲神庫今廊廡及井皆未動又指其東一區別爲門面南五

間東西廊各五間曰此神廚也欲以此建廟可乎臣遷等皆對曰此地最便臣東陽曰但未知寬窄如何上曰寬窄有數因指其旁小字曰東西十幾丈南北二十丈後有牆牆之後為米倉蓋較之奉慈殿區深不及八尺皆請曰牆可展否上曰須展之其西邊有井亭亦須去之耳又曰欲遷孝穆太后并祭於此如何臣健等曰甚當再問再對上曰位序如何臣健對曰太皇太后中一室孝穆太后或左或右一室上曰須在左後來有如此者卻居右臣東陽曰太皇太后居中乃可臣遷奏曰會議本未知今日可出否臣東陽曰外廷瞻仰此本已數日上曰正為廟地未定今既定即出矣皆拜出如前二十五日御批云祀享重事禮當詳慎卿等稽考古典及祖宗廟制既已明白都準擬特建廟奉享仍稱太皇太

后以申朕尊親之意後世子孫遵守崇奉永為定制於是中外翕然稱為得禮蓋自丁巳之召不奉接者已閱八年龍顏溫霽天語周詳視昔有加而明習國事洞察義理惓惓以宗廟綱常為己任蓋非臣下所能涯涘矣陵寢事竟不行蓋欽天監以為歲殺在此方向不利內官監亦謂事干英廟陵寢難以輕動而聖意終不但已乃於陵殿神座移英廟居中孝莊居左孝肅居其右云孝宗母孝穆紀太后喪儀詳見皇妃條○孝宗即位追冊睿宗母孝惠邵太后成化十二年冊為宸妃二十三年進貴妃生睿宗世宗實錄嘉靖十五年七月甲寅朔庚午詔禮部會廷臣議奉遷三后神主於陵殿先是上諭尚書夏言曰廟

皇太后其年崩上葬太后欲附近茂陵數降旨集議大學士楊廷和言宋甯宗欲附孝宗於裕思諸陵朱熹以為祖陵不當數興工作驚動神靈今第當別葬乃葬太后金山上尊諡孝惠康肅卒用工部侍郎賈詠奏遷合於茂陵

重於陵禮制故嚴廟中一帝一后陵則二三后配葬今  
別建奉慈殿不若奉主於陵殿爲宜且梓宮配葬而主  
乃別置近於黜之非親之也此關典禮其會議以行言  
既會內閣復奏上上曰然此與崇先殿不同周人祀后  
乃始祖之母今奉慈殿但名存耳四時之祭舞樂俱無  
其會官議聞至是禮部會廷臣上議曰自古天子惟一  
帝一后配享於廟所生之母別薦於寢身沒而已斯禮  
之正故禮有享先妣之文周閼宮宋別殿皆此義也我  
孝宗皇帝於奉先殿側特建奉慈殿別祭孝穆皇太后  
祔孝肅皇太后近復祔孝惠太皇太后蓋子祀生母以  
盡終身之孝焉耳然禮於妾母不世祭疏曰不世祭者  
謂子祭之於孫則止明繼祖重故不復顧其私祖母也  
今陛下於孝肅曾孫也孝穆孫屬也孝惠孫也禮不世

祭義當擬祧若崇先殿之建則陛下以子事考廟當世  
享故世廟配太廟而作崇先殿配奉先殿而作也義不  
侔矣臣考宋熙甯罷奉慈廟故事與今事略同但祧義  
唯遷主爲重若當時瘞主陵園則襲古人粟主旣立乃  
埋桑主之說而誤用之非禮也今聖諭遷主陵廟歲時  
祔享陵祀如故尤爲曲盡非前代所及請諏日具儀行  
報可○九月癸丑朔辛巳先是上在沙河面諭禮卿言  
曰三后神主稱皇太后太皇太后者乃子孫所奉尊稱  
今旣奉遷陵殿實同帝后之列揆之名實於禮未宜似  
當更正卿其會翰林院禮科詳議具聞至是言等議曰  
禮天子惟一帝一后配享於廟禮之正也茲三后神主  
禮不祔廟義當從祧已經聖明定制奉遷陵殿深合典  
禮但三后稱皇太后太皇太后於奉慈殿乃子上尊號

於母孫上尊號於祖母禮也若今日孝肅太皇太后奉  
遷於裕陵實在英宗睿皇帝孝莊睿皇后之側孝穆皇  
太后孝慈太皇太后奉遷於茂陵實在憲宗純皇帝孝  
貞純皇后之側則當各從夫婦之義而不當仍襲子孫  
之稱臣等據禮僉議請改題孝肅太皇太后神主止稱  
孝肅真順康懿光烈輔天成聖皇后不用睿字孝穆皇  
太后神主止稱孝穆慈惠恭恪莊僖崇天承聖皇后孝  
惠太皇太后神主止稱孝惠康肅溫仁懿順協天佑聖  
皇后俱不用純字則適庶之稱有別夫婦之分無嫌而  
尊尊親親之道竝隆而無失矣上曰卿等既會議僉可  
其如議行

讀禮通考卷第七十三

讀禮通考卷第七十四

經禮通考存纂輯林覽教習唐堯 大清真 統志纂輯明史總纂徐學

喪儀節三十七

國恤九

皇后喪儀

魏明悼毛皇后

黃初中選人東宮明帝即位以為貴嬪太和元年立為皇后景初元年崩然猶加諡葬愍陵

通典明帝時毛皇后崩未葬詔宜稱大行尚書孫毓奏  
武宣皇后崩未葬時稱太后又德皇后崩侍中蘇林議  
皇后皆有諡未葬宜稱大行臣以古禮無稱大行之文  
案漢天子稱行在所言不常居崩曰大行者不返之稱  
也未葬未有諡不言大行則嫌與嗣天子同號至於后  
崩未葬禮未立后宜無所嫌故漢氏諸后不稱大行謂  
未葬宜直稱皇后詔曰稱大行所以別存亡之號故事

已然今當如林議稱大行

晉成恭杜皇后

將軍預之曾孫在位六年無子先是三吳女子相與誓曰花望之如素奈傳言天公織女死為之著服至是后崩

晉書成帝咸康七年皇后杜氏崩詔外官五日一入臨

內官旦一入而已過葬虞祭禮畢止有司奏大行皇后

陵所作凶門柏厯門號顯陽端門詔曰門如所處凶門

柏厯大為繁費停之案蔡謨說以二瓦器盛始死之祭

繫於木裏以葦席置庭中近南名為重今之凶門是其

象也禮既虞而作主今未葬未有主故以重當之禮稱

為主道此其義也范堅又曰凶門非禮禮有懸重形似

凶門後又出之門外以表喪俗遂行之簿帳即古弔幕

之類也是時又詔曰重壤之下豈宜崇飾無用陵中惟

潔掃而已

崔凱曰繫木為重形如禮有翼設於中庭近南以懸之士重高三尺差而上之天子當九尺矣高以葦席南向橫覆之辟風兩端於南面以蔑之今喪家帳門

其遺象也古者喪家無幕蓋是倚廡棟爾今人倚廡於喪則因是為帳焉

通典博士徐禪上恭皇后大祥忌日臨哭事太學禮官

謂至尊行先后之喪亦同齊衰今再周及忌日無復祥

變之事謂不可躬行臣案無經傳明文則不應出若晦

日東堂舉哀由朝廷參議而事無指條案侍中徐邈眾

議案博士議恭皇后再周欲依三年之議至尊東堂舉

哀羣臣詣陵哭臣案禮為王后服無三年之制左傳叔

向云王一歲而有三年之喪二焉謂三年而後娶達子

之志爾禮喪大記曰祥而外無哭者禫而內無哭者文

子之喪既除越人來弔受於廟門之外垂涕洟而不哭

明喪既過無哭禮不詣墓而接於廟外今后服既過至

尊無緣舉哀羣臣不應詣陵而哭也博士許翰等議案

禮小記曰大功者主人之喪有三年者則必為之再祭

鄭玄云有三年者謂妻若子幼少也再祭謂練祥也凡人子之生必有天父地母之道故記有君薨而生子之禮今二皇子之育雖在恭后崩後於禮是為有三年子幼少者也則必為之有二祥之祭杜元凱云天子諸侯雖卒哭除服其練祥日必有位矣今皇子出承國蕃故王后喪諸侯卑不得為主夫喪無主禮有正文至尊統天承重則為主在聖躬也乃同先帝先后於考妣哀禮終於今晦吉禘始於來朔非人臣之所主也記云為王后周服母之義虞書曰百姓如喪考妣三載遏密恭后母育天下臣子有喪妣之恩古門人於師無服心喪三年祥日之哭所以終哀非服喪三年矣今聖代不可守以循常之名例當博納同異斟酌而用焉

宋文帝袁皇后

適太祖初拜宜都王妃崩於顯陽殿諡曰宣皇后

宋書文帝元嘉十七年七月元皇后崩兼司徒給事中劉溫持節監喪神武門設凶門柏厯至西上閣皇太子於東宮崇正殿及永福省並設廬諸皇子未有府第者於西解設廬

齊高昭劉皇后

歸太祖宋泰豫元年殂歸葬宣帝墓側昇明三年贈齊國妃建元元年尊諡昭皇后

南齊書禮志建元四年高帝山陵昭皇后應遷祔祠部疑有祖祭及遣啟諸奠九飯之儀不左僕射王儉議奠如大斂賀循云從墓之墓皆設奠如將葬朝廟之禮范甯云將窆而奠雖不稱為祖而不得無祭從之有司又奏昭皇后神主在廟今遷祔葬宜有虞以安神神既已處廟改葬出靈豈應虞祭鄭注改葬云從廟之廟禮既宜同從墓之墓事何容異前代謂應無虞左僕射王儉議范甯云葬必有魂車若不為其歸神將安舍世中

改葬即墓所施靈設祭何得不祭而毀邪賀循云既窆設奠於墓以終其事雖非正虞亦麤相似晉氏修復五陵宋朝敬后改葬皆有虞今設虞非疑從之

宋孝明王皇后太祖先聘孝惠皇后周顯德五年薨后為繼室周封琅邪郡夫人太祖即位建隆元年冊為皇后

宋史禮志太祖孝明孝惠二皇后乾德元年十二月七日皇后王氏崩二十五日命樞密承旨王仁贍為園陵

使時議改卜安陵於鞏并以二后陪葬焉吉仗用中宮

鹵簿凶仗名物悉如安陵而差減其數孝惠又減孝明

焉二年三月二十七日孝明皇后啟橫宮羣臣服初喪

之服明日孝惠皇后自幄殿發引皆設遣奠讀哀冊四

月九日葬孝惠於安陵之西北孝明於安陵之北二十

六日皆祔於別廟其後孝明升祔太祖室

孝章宋皇后開寶元年納入宮為皇后

宋史禮志太祖皇后宋氏太宗至道元年四月二十八

日崩帝出次素服舉哀輟朝五日六月六日上諡曰孝

章皇后以歲在未有忌權橫於趙村沙臺三年正月二

十日祔葬永昌陵之北以故許王及夫人李氏魏王夫

人王氏楚王夫人馮氏皇太子亡妻莒國夫人潘氏將

軍惟正亡妻裴氏陪葬二月二日祔神主於別廟莒國

潘氏至道三年六月追冊為莊懷皇后陵曰保泰神主

祔后廟

章穆郭皇后真宗在襄邸太宗為聘之真宗嗣位立為皇后崩上深嗟悼禮官奏七日釋服特詔增至十三日諡莊穆乾興元年升祔真宗

宋史禮志真宗章穆皇后郭氏景德四年四月十五日

崩皇帝七日釋服後改用十三日羣臣三日釋服諸道

州府官吏計到日舉哀成服三日而除二十一日司天

監詳定園陵帝令附元德皇太后陵側但可安厝不必寬廣其棺槨等事無得鐫刻花樣務令堅固二十五日殯於萬安宮之西階詔兩制三館祕閣各撰挽辭閏五月十三日上諡曰莊穆六月二十一日葬永熙陵之西北七月有司奉神主謁太廟祔享於昭憲皇后享畢祔別廟大中祥符二年四月十五日大祥詔特廢朝羣臣奉慰

名臣琬琰之章呂公綽議古者婦人無諡自漢晉以來皇后多因帝諡爲稱國家順僖翼宣四帝暨太祖太宗皇后悉同廟諡獨章聖皇帝五后節惠曰莊與諡典不合願易名爲章追正前失上曰恭依明年天子遂詣廟行改諡禮

宋敏求春明退朝錄皇后有諡起於東漢自是至於

隋皆草諡光烈陰皇后明德馬皇后和熹鄧皇后文獻獨孤皇后是也史家取帝諡冠其上以別之如云光之烈皇后明之德皇后非謂欲連帝諡也然質家尙單文家尙複如唐正觀中長孫皇后諡文德後大宗諡文皇帝文德自是複諡其議自用二名偶同太宗之諡爾中宗諡孝和趙氏諡和思言取帝諡配其後昭成肅明元獻章欽睿眞昭德莊憲諸后皆不連帝諡國初追尊四廟三祖之后冠以帝諡及杜太后崩始諡明憲未幾欲同三祖之后遂改昭憲及太祖諸后自連孝字太宗后連德字眞宗后連莊字皆用複諡非連帝諡爲義慶厯中乃言孝字連太祖諡德字連太宗諡遂改爲章以連眞宗諡夫祖宗諡號皆十餘字豈止配一字爲義又太祖功烈豈專以孝稱



太宗后連德字乃在下文與祖宗后諡文不對可如  
東漢諸后單舉之乎皇祐中予為禮官龍圖閣直學  
士趙周翰奏議甚詳下禮院朝廷以宗廟事重不欲  
數更遂寢其所奏

乾學案真宗五后謂莊懷潘后莊穆郭及劉  
李楊三太后也宋史后妃傳云舊制后諡冠  
以帝諡慶厯中禮官言孝字連太祖諡德字  
連太宗諡遂改莊為章以連真宗諡宋次道  
所記較宋史為詳故載之

顯恭王皇后

元符三年歸於端邸徽宗即位冊為皇后生欽宗

宋史禮志徽宗皇后王氏大觀二年九月二十六日崩  
尙書省言章穆皇后故事真宗服七日從之十月太史  
局言大行皇后園陵斬草用十月二十四日斥土用十

一月十三日葬用十二月二十七日諸宗室合祔葬者  
並依大行皇后月日時刻十一月宰臣蔡京等請上諡  
曰靖和皇后十二月奉安梓宮於永裕陵之下宮神主  
祔別廟四年十二月改諡曰惠恭其後高宗復改曰顯  
恭

憲節邢皇后

高宗居康邸以婦聘之封嘉國夫人從二宮北遷高宗即位遙冊為皇后

宋史后妃傳紹興九年后崩於五國城金人祕之高宗  
虛中宮以待十六年顯仁太后回鑾始得崩問上為輟  
朝行釋服之祭諡憲節祔主於別廟紹興十二年八月  
梓宮至櫓於聖獻太后梓宮之西北淳熙改諡憲節祔  
主高宗廟

北盟會編紹興十二年八月二十日徽宗皇帝顯肅皇  
后懿節皇后梓宮及皇太后歸自金國及楚州界先是

金國以徽宗皇后梓宮及皇太后邢皇后還邢皇后中途上仙至是皇太后及三梓宮入楚州界

乾學案宋史言后崩於紹興九年此云歸途

上仙互異

恭淑皇后

忠獻王琦六世女孫選入宮歸平陽郡邸封夫人甯宗受禪冊為皇后慶元六年崩諡恭淑

文獻通考

見六十九卷成服條

文獻通考宋皇后喪儀啟櫛發引○皇帝服忌月之服

黑鞋犀帶絲鞋親行祭奠燒香之禮致飲不拜陪位立班臣僚

並吉服入易帶立班於啟櫛行禮時一臨而止自餘發

引前夜祭告并啟奠祖奠遣奠行禮陪位官陪位官以親王親屬

及會葬從梓宮臣僚並服初喪之服至櫛宮掩櫛

奉辭訖易常服退所有衰服候禮畢毀棄自啟櫛之日至發引前後不視事

其發引啟奠祖奠並係總護使行禮俟梓宮發引升龍輜至和甯

門降龍輜升大昇輦皇帝親行遣奠之禮讀哀冊皇帝致飲不拜及梓

宮進發百官常服黑帶奉辭於城外訖赴後殿門外進

名奉慰親王宗室本宅親屬並隨行慶元六年十一月

二十九日延和殿宰執進呈大行皇后發引訖免臣僚

路祭上曰此乃文具不須得止奉辭足矣十二月二日

詔大行皇后梓宮將來發引可出麗正東偏門又詔梓

宮發引攝侍中奉梓宮升降進發權駐差吏部侍郎費

士寅攝太傅持節導梓宮監掩櫛差總護使吳環攝太

傅帥奉梓宮官奉升大昇輦又引梓宮并攝少保差太

常少卿俞豐係恭淑皇后故事餘倣此

大行皇后掩櫛後行禮○行第一虞虞主將回行第二

虞禮畢奉迎几筵殿安奉皇帝行安神燒香禮如宮中

之儀畢次行第三虞第四虞第五虞第六虞第七虞第

八虞第九虞

並係太常卿行事逐日一祭

祭禮畢次行卒哭祭次迎奉耐

廟

卒哭○係南班宗正任行禮百官去服赴後殿門進名

奉慰

耐廟○其日以鼓吹金吾仗及本殿儀衛從物導引虞

主耐太廟親王南班宗室皆騎導文武百僚去服陪從

設登歌宮駕樂舞其謚冊寶於虞主前陳列至太廟收

奉冊寶殿俟耐廟畢赴太廟冊寶殿權行奉安

明孝慈馬皇后

洪武十五年八月崩九月庚午葬孝陵謚曰孝慈皇后

明會典一聞喪次日文武百官素服行奉慰禮○一在

京文武百官於聞喪之次日清晨素服詣右順門外具

喪服入臨臨畢素服行奉慰禮三日而止○一文官一

品至三品武官一品至五品命婦於聞喪之次日清晨

素服至乾清宮具喪服入臨行禮不許用金珠銀翠首

飾及施脂粉喪服用麻布蓋頭麻布衫麻布長裙麻布

鞋○一在京文武百官及聽除等官人給布一匹自製

喪服○一文武官員皆服斬衰自成服日為始二十七

日而除仍素服至百日始服淺淡顏色衣服○一在外

文武官喪服與在京官同聞訃日於公廳成服三日而

除命婦喪服與在京命婦同亦三日而除○一軍民男

女皆素服三日○一自聞訃日為始在京禁屠宰四十

九日在外三日停音樂祭祀百日停嫁娶官一百日軍

民一月○一上冊謚祭告太廟○一發引文武百官具

喪服詣朝陽門外奉辭神主還京文武百官素服迎於

朝陽門外回宮百官行奉慰禮○一卒哭行耐廟禮○

一百日輟朝祭告几筵殿百官素服黑角帶詣中右門

行奉慰禮命婦詣几筵殿祭奠○一凡遇時節及忌日  
東宮親王祭几筵殿及詣陵拜祭○一小祥上素服烏  
犀帶輟朝三日是日清晨詣几筵殿行祭奠禮東宮親  
王詣陵拜祭京城禁音樂三日禁屠宰三日百官前期  
齋戒至日素服黑角帶詣後右門進香舉行奉慰禮是  
日外命婦詣几筵殿行進香禮○一東宮親王熟布練  
冠九袂去首經負版辟頌衰如朝見上及受百官啟見  
青服烏紗帽黑角帶皇孫熟布冠七袂去首經負版辟  
頌衰皇妃皇太子妃王妃公主及皇孫女熟布蓋頭去  
腰經宗室駙馬服齊衰三年練冠去首經○一大祥奉  
安神主於奉先殿預期齋戒告廟百官陪禮舉行奉慰  
禮各王國禁屠宰三日停音樂三日  
郭正域皇明典禮志庚子上以孝慈皇后喪萬機委積

乃命禮部臣考古典遵以日易月之制以素羞祭告於  
皇后之靈曰自后崩逝已十有五日雖哀慟無窮而天  
下事重不敢久曠不治謹遵禮制以日易月朕釋期服  
視朝諸子仍衰麻以奉筵几惟靈其鑒之  
明會典九月庚午發引上親祭於靈帛日安厝皇堂皇  
太子奠玄纁玉璧行奉辭禮回宮上復以醴饌祭於几  
筵殿自再虞至九虞皆如之○十月己卯卒哭耐廟上  
以醴饌致祭於靈復牲醴告廟曰茲以孝孫婦孝慈皇  
后馬氏神主詣廟祇謁嘉薦耐享之禮○十一月乙丑  
喪百日上輟朝以牲醴致祭於几筵殿是日紀察司請  
服素服烏犀帶上至香案前致欽不拜東宮親王皆四  
拜奠帛奠爵上舉哀在位者皆哭哭止上致欽如前東  
宮以下復四拜上還宮

仁孝徐皇后

羣臣  
致祭

初為燕王妃成祖即位冊為皇后永樂五年七月乙卯崩帝將北巡顧從行不及后崩帝慟哭為設大齋於靈谷天禧二寺聽

永樂五年文皇后喪禮一自次日為始輟朝不鳴鐘鼓上素服御西角門文武百官素服烏紗帽黑角帶詣思善門外哭臨畢行奉慰禮明日如之又明日蚤文武官成服詣思善門外哭臨畢易素服行奉慰禮凡三日而止○一文武百官自次日為始各就公署齋宿至二十七日而止○一文武官四品以上命婦成服日為始喪服詣思善門內哭臨三日而止○一聽選辦事等官各喪服人材監生吏典僧道坊廂耆老各素服自成服日為始赴應天府舉哀三日○一內外宗室皆成服二十七日而除○一天下大小衙門各遣官進香○一成服後祭祀皇親駙馬共一壇公侯伯共一壇五府同錦衣

衛共一壇六部都察院同文職大小衙門共一壇文武官四品以上命婦共一壇○一百日上及皇妃皇太子皇太子妃皇孫親王及妃公主以下及在京文武官并命婦各祭一壇○一周年祭如百日儀百官詣西角門行奉慰禮在京禁音樂停屠宰七日○一凡遇時節祭祀上祭一壇皇妃東宮皇孫各王長公主公主各王妃各祭一壇

典禮志十一年正月丁酉仁孝皇后梓宮發引皇太子漢王送梓宮渡江皇太子哭辭漢王護梓宮行途朝夕哭奠如儀官民迎祭者皆素服冊諡儀永樂五年仁孝文皇后冊諡儀前期禮部奏行祭告禮及請命頒冊寶等官是日上躬告天地於奉天殿丹陛上宮中先設冊寶案於几筵殿設香案於冊寶

案前上御華蓋殿文武百官於奉天殿前丹墀內分班  
序立引禮引頒冊寶官至華蓋殿拜位序班舉冊寶案  
置殿中鴻臚寺官奏頒冊寶官行禮引禮贊四拜畢贊  
跪傳制官傳制曰永樂五年十月十四日冊諡大行皇  
后命卿行禮引禮贊俯伏興四拜畢序班舉冊寶案出  
至奉天殿丹陛上以冊寶置綵輿中由中道出頒冊寶  
官隨至右順門外北面立內官昇綵輿由正門入至几  
筵殿以冊寶置於案退俟殿外尙儀女官詣香案前跪  
進曰皇帝遣某官某官某冊諡大行皇后謹告奏畢  
興贊宣冊女官捧冊立宣於几筵之右訖置冊於案贊  
宣寶女官捧寶立宣於几筵之右訖置寶於案尙儀官  
一員復詣香案前跪奏禮畢女官以冊寶案置於几筵  
之左內官出報頒冊寶官禮畢頒冊寶官復命

孝靜夏皇后

正德元年冊立世宗即位  
上尊號曰皇嫂莊肅皇后

典禮志嘉靖十四年正月武宗莊肅皇后崩上不制服  
發喪後一日大斂上素服詣大行前設奠奉安梓宮設  
几筵安神帛立銘旌上詣梓宮前祭憲廟皇妃昭聖康  
惠慈壽皇太后章聖慈仁皇太后武廟皇妃中宮皇妃  
九嬪公主等各祭一壇百官命婦哭臨如故制可諭夏  
言等聖母壽辰百官不必赴公所只私所盡制大學士  
張孚敬言聖母壽誕禮吉之至重者宜吉衣終日庶於  
禮義允協從之

名山藏羣臣議諡帝后並用十二字大學士張孚敬曰  
大行皇后皇上嫂與累朝元后異諡宜用二字或四字  
大學士請用八字都御史王廷相曰均帝后也何殊之  
夏言集上其議因奏古人尙質諡法簡稱其行後人加

嘉靖十四年

七

增臣子之情也生今世則當行今禮大行皇后諡其於  
皇上服制有無名分尊卑固不相涉帝后媿美妻以夫  
尊列聖元后皆十二字諡文不一跡涉減損二四或八  
於禮無據請用十二字上曰朕昔在藩臣子也今則無  
有事嫂如母之禮兩宮在上非朕自尊抑昭聖皇太后  
於皇嫂實壓母道其再議禮部請如孚敬言用二字上  
曰用六字合陰數於是上諡孝靜莊惠安肅皇后十五  
年上曰禮不備不稱配武宗加孝靜莊惠安肅溫誠順  
天偕聖毅皇后

乾學案永嘉汨亂典制貽譏千古而減損孝  
靜喪儀諡法尤不臣之甚者直書其事義自  
見矣

孝潔陳皇后

嘉靖元年立爲后七年十月失上意驚悸崩諡曰悼靈皇后別  
葬天壽山禩兒谷十五年改諡孝潔皇后隆慶元年附廟合葬

嘉靖七年孝潔皇后喪禮一初喪三日上服素冠服○

一成服日爲始上玄冠素服御西角門視朝十日畢易  
玄冠玄衣御奉天門視朝鳴鐘鼓鳴鞭如常朔望日暫  
免陞殿○一文武百官十日內俱布冠素服經帶朝參  
十日之後入左掖門則烏紗帽青衣侍班奏事退出公  
衙及居私室仍素服白帽通前二十七日而除待梓宮  
發引之後服常服○一在京內外禁屠七日○一上於  
奉先等殿行禮并朝兩宮俱常服於几筵祭則服其服  
服滿之日命內官代祭○一兩宮遣官祭如常儀○一  
上祭儀內贊奏就位上香奠帛奠酒上立以帛酒各授  
執事奠於靈前贊讀祝讀者立讀祝文訖贊舉哀上就  
位哭贊哀止焚祝帛禮畢

典禮志發引梓宮當出端門辭祖出午門時哭臨既止  
一日辭祖又復罷免而梓宮命從左王門以出於是禮  
科都給事中王汝梅等上疏言天子有后以其承天地  
宗祖之祀奉兩宮之歡如天之有地日之有月今皇后  
正位七載齊體至尊生以禮歸沒不以葬非所以重大  
倫爲萬世法請更議之上曰所言亦係忠愛但未審重  
輕思善門哭臨逼近仁智殿從減可也午門等中門亦  
當避所尊陵地既遠於列聖則辭祖之禮自不必瀆朕  
已祭告內殿矣夫后尊則主益尊朕豈不知第有所歷  
不得不斟酌裁制爾既而給事中徐景嵩又言哭臨辭  
祖二儀臣不敢輕議若梓宮出門乃萬姓觀瞻所係王  
門之議臣心實不敢安也詔如前旨發引次日上命經  
筵官吉服侍班尙書方獻夫等以爲山陵未畢不忍遽

爾從吉請仍令百官衣淺色衣朝參上不許

改謚嘉靖十五年禮部尙書夏言等奏悼靈皇后神主  
先因附於所親暫附奉慈殿孝惠太后之側茲二后神  
主既擬遷於陵殿則悼靈主亦宜暫遷奉先殿旁室歲  
時享祀及有祭告祖宗則一體設饌而但不啟主匱不  
見祝稱斯爲合禮又先皇后正位中宮七年懿行純德  
足以母儀天下其原謚悼靈考之謚法在悼雖協年中  
早夭之議而靈義有六類非美大之稱請下翰林院更  
議褒稱垂示後世上從其言詔改謚曰孝潔至是禮部  
因上改謚及遷主儀注一欽天監擇改謚九月二十九  
日辰時遷主本日午時吉一翰林院撰祝文一太常寺  
備辦祭品於奉先殿崇先殿奉慈殿如常儀一先期內  
監官設孝潔皇后神座於奉先殿西室一是日辰時內



監官詣奉慈殿請神主洗滌重加粉飾中書官書寫欽命大臣改題仍奉安於神座至午時皇后詣奉慈殿孝潔皇后神主前行禮如常儀內侍官跪奏請孝潔皇后神主詣奉先殿西室奉安與內侍官捧神主諡冊衣冠出神主先行諡冊衣冠以次後隨內侍擊傘扇如儀後隨行至奉先殿西室內侍官跪捧神主奉安於神座退皇后行安神禮如常儀諡冊衣冠俱各以次奉安禮畢后還宮詔如擬命少傅夏言題主

遷祔儀隆慶元年孝潔肅皇后遷祔永陵儀孝恪皇后同尊諡冊寶先遣官卽陵園行禮訖敕命奉遷官一員詣陵供事啟櫬先一日遣官以祔葬告天地宗廟社稷用祝文祭告行禮如常儀司禮監禮部錦衣衛官提督執事者設大昇輿於享殿門外葬儀以次陳設各衙門

先期分官素冠服詣陵園伺候騎送至永陵是日啟玄宮見梓宮行祭告禮執事官陳設酒饌如常儀內贊引奉遷官詣拜位贊四拜奠帛獻酒讀祝俯伏興四拜焚幣帛祝文禮畢壙內原安奉玄酒讀祝俯伏興四拜焚幣帛祝文禮畢壙內原安奉玄纁玉璧五穀等物就於壙側埋瘞啟奠舉行祖奠禮執事官進龍輜於享殿下設真亭神位與諡冊寶輿於殿前執事官陳設酒饌拜位如常儀內贊引奉遷官詣拜位贊四拜奠帛獻酒讀祝俯伏興四拜焚幣帛祝文禮畢祖奠畢內侍官詣梓宮前跪奏請靈駕進發內侍先捧諡冊寶次捧神位銘旌俱由殿中門出各安奉輿內梓宮降殿內侍官跪奏請梓宮升龍輜執事官奉登龍

輜啟行執翬者分列左右內侍擊繖扇侍衛如常儀梓宮至陵園門外梓宮升大昇輿行遣奠禮如常儀遣奠禮畢內侍官於梓宮前跪奏請靈駕進發司禮監官率儀衛謚冊寶輿等前行鼓樂前導設而不作禮部錦衣衛官提督葬儀等以次前行沿途軍民男女人等輟集之處遇梓宮至皆跪俯伏候梓宮過而興工部先期搭蓋席亭殿於永陵獻殿之右候大昇輿至禮官奏請升龍輜詣享殿行安神禮執事官陳設酒饌如常儀內贊引奉遷官詣拜位贊四拜奠帛獻酒讀祝俯伏興贊四拜焚帛祝分送官俱於享殿外陪拜禮畢分送官回京將掩玄宮時行遷奠禮奉遷官詣梓宮前贊四拜興贊跪奠帛獻酒讀祝俯伏興贊四拜焚帛祝退俟掩玄宮時至奉遷官詣梓宮前跪內侍奏請靈駕赴玄宮奉遷

官俯伏興梓宮進皇堂安奉訖內侍官奉謚冊寶置於前陳列冥器等畢行贈禮贈禮畢行享禮世宗肅皇帝梓宮至永陵日遣官祭告后土天壽山并長陵等陵掩玄宮日遣官祭謝后土天壽山并長陵等陵祝文中俱以孝潔肅皇后孝恪皇后祔葬一併告謝葬畢奉遷官暫奉安神主於殿內神主還京至城外幄次百官青衣素服序立於幄前行五拜三叩頭禮神主至午門外上具翼善冠淺淡色服黑犀帶奉迎於午門內上步行前導至寶善門外皇后皇子及宮眷迎於門內神主輿至奉先殿門外內導引官導上詣神主輿前跪內侍官跪奏請神主謁奉先殿上捧神主由殿左門入跪置神主於褥位俯伏興贊五拜三叩頭禮畢上跪捧神主輿由殿左門出安奉輿內復至世宗肅皇帝几筵前行謁禮

畢上捧神主出安奉輿內至專殿門外內侍官奏請神主降輿升座上捧神主奉安訖行安神禮上詣拜位贊四拜行初獻禮奠帛奠酒讀祝俯伏興亞獻終獻復贊四拜焚帛祝禮畢皇后皇子以下依次入拜行謁見禮耐廟儀隆慶元年孝潔肅皇后耐廟先期內府該衙門恭製太廟及廟寢內孝潔肅皇后合用神座儀物等項先一日遣官以升耐世宗肅皇帝告於太廟即以孝潔肅皇后耐享同告是日執事官設酒饌於奉先殿西夾室內侍官設神主輿衣冠輿於奉先殿左門外至期遣官以耐享告於西夾室行禮如常儀告畢內侍官跪奏請孝潔肅皇后詣太廟耐享奏訖恭捧神主及內侍官捧衣冠俱由左門奉安於與執事者擎執繖扇如儀至午門內候世宗肅皇帝神主至以次迎至太廟南門外

太常寺官跪奏請孝潔肅皇后神主降輿詣太廟耐享內侍官恭捧隨世宗肅皇帝神主由左門入又內侍官捧衣冠隨人立於世宗肅皇帝衣冠之次上捧世宗肅皇帝神主置於褥位訖內侍官捧孝潔肅皇后神主隨置褥位之右內侍官退其謁廟賜座等禮儀俱與世宗肅皇帝同行祭畢世宗肅皇帝神主還几筵內侍官捧孝潔肅皇后神主奉安於廟寢其衣冠同世宗肅皇帝衣冠奉安於太廟俱第九室

孝烈方皇后

帝即位十年冊為九嬪尋立為皇后二十七年十一月宮中火崩謚為孝烈皇后

嘉靖二十七年孝烈皇后喪禮一發喪上素冠服詣大行皇后宮舉哀設奠畢喪次皇如東宮裕王景王公主皆素服舉哀設奠畢各歸喪次次日及第三日同一成服上素服詣大行皇后宮舉哀設奠大斂奉安梓

宮設几筵安神帛立銘旌上具喪服皇妃東宮裕王景  
王公主等皆成服行祭禮畢歸喪次上祭一壇皇妃共  
祭一壇東宮祭一壇裕王景王共祭一壇公主共祭一  
壇涇簡王妃祭一壇內官內使其祭一壇是日公侯駙  
馬伯五府六部等衙門官共祭一壇文武官三品以上  
命婦共祭一壇○一每七及百日上及皇妃以下各祭  
一壇○一聞喪次日爲始輟朝不鳴鐘鼓文武百官素  
服烏紗帽黑角帶詣思善門橋南哭臨畢退於金水橋  
南伺候上素服御西角門文武百官行奉慰禮退於本  
衙門宿歇不飲酒食肉次日同○一成服日爲始上素  
冠素服十二日十二日後易淺色服視朝俱在西角門  
文武百官十二日內俱布帽素服經帶朝參十二日之  
後烏紗帽黑角帶素服通前二十七日而除上御奉天

門視朝服常服百官淺色衣鳴鐘鼓鳴鞭如常朔望日  
暫免陞殿待梓宮發引之日百官服常服○一成服日  
百官各具斬衰服詣思善門橋南朝夕哭臨三日各十  
五聲而止每日早哭臨畢退易素服仍入金水橋南伺  
候西角門行奉慰禮如前凡在衙門視事用布裹紗帽  
垂帶素服經帶麻鞋退居卽服孝服通前二十七日而  
除○一文武官員一品至三品命婦麻布大袖圓領長  
衫麻布蓋頭晨由西華門入思善門哭臨三日而止不  
許帶金銀首飾仍素服二十七日而除○一在京諸寺  
觀各聲鐘三萬杵聞喪日爲始禁屠宰七日○一軍民  
素服婦人素服不妝飾俱以聞喪日爲始二十七日而  
除○一聽選官辦事官監生吏典僧道坊廂人等聞喪  
卽易素服次日至第三日皆清晨赴順天府朝闕設香

案哭臨至第四日官各具斬衰服監生人等素服朝夕  
哭臨三日各十五舉聲而止仍各素服通前二十七日  
而除○一各王府南京浙江等十三布政司及直隸府  
分禮部請敕差官訃告○一在外親郡王及世子王妃  
以下間訃皆哭盡哀行五拜三叩頭禮畢易素服第四  
日服斬衰服二十七日而除○一在外交武官員人等  
聞訃日素服烏紗帽黑角帶於本衙門宿歇不飲酒食  
肉次日具斬衰服率官僚人等於衙門朝闕設香案朝  
夕哭臨三日各十五舉聲而止自是素服通前二十七  
日而除軍民男女止素服十三日○一各王府及在外  
文武衙門俱免進香○一成服後三日在京文職七品  
以上武職三品以上衙門陸續赴思善門外進香每日  
鴻臚寺朝退後由西華門引入思善門前行禮司禮監

進几筵前○一梓宮未發南京堂上官及朝鮮差陪臣  
進香服制雖滿仍衰服行禮鴻臚寺引從西華門入陪  
臣衰服工部製給○一冊諡及發引以下與大喪同但  
八虞九虞俱於宮中遣內官行禮  
無諡儀先期遣官告於太廟用牲醴祝文如常儀是日  
上常服御奉天門樂設而不作正副使常服百官淺色  
服黑角帶入班行叩頭禮畢左右侍班正副使入就拜  
位贊四拜禮序班舉節冊案於正中置定正副使行五  
拜三叩頭禮畢序班舉案行正副使後隨鴻臚寺奏禮  
畢上還百官詣思善門外侍立節冊至右順門正副使  
捧由正門入至殿陛上置於案內贊奏就位上香贊宣  
冊太常寺官取冊立宣訖復置於案贊禮畢贊百官行  
四拜禮退正副使持節復命

謚冊文嘉靖二十七年十二月戊辰冊謚大行皇后文  
曰朕惟人君受命以握乾綱必資媿德以輔陰教然元  
配中失亦必有嗣克脩內治是以刑于家邦達之天下  
而王化有成焉咨爾方氏出自慶門早膺淑選比遵慈  
命繼正中宮孝敬柔嘉著顯聞於宗祀溫慈仁惠衍餘  
澤於後昆矧能保護朕躬功存濟難方期備膺壽祉詎  
意俄爾崩殂追惟往勞殊切傷悼爰稽典禮用錫徽稱  
茲特命太傅兼太子太傅成國公朱希忠為正使持節  
少師兼太子太師吏部尚書華蓋殿大學士夏言為副  
使捧冊謚爾為孝烈皇后嗚呼蒼旻不弔慨榮祿之弗  
延彤管播名尚休名之罔斃庶幾永譽以慰賢衷欽哉  
名山藏后崩上諭禮部曰皇后比救朕危奉天濟難冀  
相始終不意遽逝痛切朕情其葬以元后命二使上殿

拜命於門內毋如故事內侍傳授節冊者明年春喪百  
日修齋薦於元宮百官素服供事將葬禮官具儀請帝  
曰梓宮行中道虞如禮制用九數往孝潔皇后崩上避  
慈宮且別有謂今孝烈皇后功德俱踰非朕私嬖且令  
卽享於太廟

典禮志二月癸丑上以孝烈皇后陵名未定諭輔臣曰  
朕思太祖成祖俱二后先安元宮其陵薦在何時令禮  
臣察以故事聞案具奏洪武十五年九月十三日孝慈  
皇后葬孝陵永樂十一年二月十六日仁孝皇后葬長  
陵皆命名在先卜葬在後於是上令定孝烈皇后陵名  
曰永陵仍御製祝文命成國公朱希忠告太廟五月丙  
子禮部上言曩孝潔皇后梓宮入百官自執事外俱衰  
服送至土城祭畢更常服辦事迎主用烏紗帽素服但

孝潔皇后自發引至神主還京將及半月中遇元旦百官宜從常服今孝烈皇后初十日發引十五日即還事體不同請令祭畢還京上曰昔有兩宮在臣從臣敬其所尊厥禮是矣今日卿等有母事之義隨喪往來者仍當制服祭畢回者以烏紗帽素服入朝素冠素服辦事迎主仍制服思善門行安神禮更素冠素服從事五月詔孝烈皇后梓宮入山陵居中之右虛其左

世宗實錄嘉靖二十九年十一月丙子詔議孝烈皇后祔廟既而罷之先是禮部臣以后喪且期年神主當祔享乃援孝潔皇后故事請權祔奉先殿歲時享獻上以奉先殿非當祔之正后主即宜祔享太廟命輔臣嚴嵩及尚書費采等詳議明日嵩等具拜祔位次上之上曰卿以會議之禮回奏禮至重者豈可權就又是爭考爭

王之襲也夫后固非帝而乃配者自有一廟之序遵禮遞遷以祔新主之廟次止祝告一同設享不祝及爾安有享從此而藏從彼之禮采等不欲承行即用此諭會同奏行又不可蹈前邪為姦欺計也其遵祖制承祧仁宗祔以新序即朕位次勿得亂禮於是部臣請仍下廷臣會議得旨會議姑已之俟再期以聞○二十八年十月戊辰孝烈皇后將及大祥禮應祔廟先是禮部請奉安神主於奉先殿東室上欲祧仁宗而以后主祔太廟禮部請下廷臣議有旨姑已之俟再期以聞至是大學士嚴嵩等言竊以君父在上其遞遷以祔新主之廟次臣等不敢遽言此識見凡陋所致蒙諭遵今祖制奉祧仁宗祔以新序即朕位次思得仁宗在他日之所必祧自今舉行係于宗廟大禮須集眾論之公且廟祧一節

陰不可當陽位更須議處已復奉密諭昨卿以爲陰不可當陽位則不必用祔於祖姑之例況今已不用昭穆何取於是焉卽祔皇妣之側一矣嵩言聖諭誠爲至當○辛未敕諭禮部曰朕惟帝以后承乃本乎經常之道禮以義起則觀乎會通之宜朕孝烈皇后淑德懿行久正中宮比緣內難救朕於危厥功大焉永懷翊衛之忠宜篤推崇之典頃者崩逝倏及再期禮當廟祔惟是太廟九室皆滿正義卽當奉仁宗祧蓋后位卽朕之位序也今宜藏主於皇妣之側每遇享居本次止設位儀品祝不必及庶於位次旣明情義攸協凡朕所以報后功之切本實仰承天眷之隆凡在臣民勿得異視爾禮部便擇日具儀來聞是日禮部卽具上儀注詔如擬○甲申孝烈皇后神主祔於太廟命駙馬都尉鄔景和行禮

二十九年十月己卯詔議孝烈皇后升祔禮時禮部以孝烈皇后忌辰祭禮未定請上裁上曰奉先殿未設后位朕已前慮矣爾等執泥弄文不思大義雖主祔廟廷視朕猶閨位然今正禮必奉遷仁宗主奉先殿設后位卽朕廟次乃可爾禮部其卽會官從正歸一議聞○丙戌定奉祧仁宗昭皇帝及升祔孝烈皇后禮先是禮部會議言孝烈皇后久正中宮功德隆重專室祔享經禮昭然今奉先殿后位未設誠於禮未備然而遽及廟次則臣子之情不惟不敢實不忍也臣等竊以爲孝烈皇后神位宜仍遵敕諭安奉先殿慈孝獻皇后之側凡祭享儀節除忌祭讀祝外其餘並如敕諭則禮制歸一矣是時大臣會議尙書徐階頗以祔廟爲不可都給事中楊思忠主階議餘無言者上使人覘知狀及疏入上乃



言前卷七十四  
三  
曰爾等懷二之心牢至於今邪今茲非專論后又非子  
爲親夫爲婦也正義止以朕躬論顧無人肯奉議者爾  
階與思忠二人議定以聞卽是矣於是階思忠言臣等  
愚昧不能仰知聖意竊惟周建九廟三昭三穆率六世  
而祧至後兄弟相及則亦有不能具六世者況國朝廟  
制用同堂異室與周禮不同今太廟九室皆滿若以聖  
躬論仁宗當祧固不待言但此乃他日聖子神孫之事  
而煩皇上身自議之則臣等之心尙有所未安者謹案  
夏廟五商廟七周廟九夫禮由義起五可以七七可以  
九則九之列亦可加也臣等以爲今日之事宜準三代  
廟數遞增之例於太廟及奉先殿各增二室而以其一  
升祧孝烈皇后則仁宗可不祧而孝烈皇后可速正南  
面之位且在皇上無預祧以俟之嫌上曰會議當令人

人盡言今兩人各一言而止非懷二邪爾等臣子之義  
於當祧當祧正宜力請何得謂之自議且禮得其正何  
避預祧以俟爲嫌邪其便歸一會奏於是階等復會諸  
大臣議言聖見高明超出千古非臣等所及謹案唐虞  
夏五廟其祀皆止四世周九廟三昭三穆然而兄弟相  
及亦不能盡足六世今仁宗已爲皇上五世之祖以聖  
躬論仁宗於禮當祧禮曰天子之與后猶日之與月陰  
之與陽相須而成天子修男教父道也后修女順母道  
也孝烈皇后久正中宮母儀萬國於禮當祧臣等眾論  
攸同宜奉祧仁宗升祧孝烈皇后於太廟第九室及奉  
先殿神位一體遷祧以明典禮疏入報聞已禮部以忌  
祭在近請旨欲擬上祧祧及奉安神位儀節上猶憾禮  
官初議不卽許乃曰孝烈皇后所奉配者乃入繼之君

又非六禮之始忌日雖不祭亦可部臣愈益惶恐乃言  
皇上受天景命纘祖鴻業神功聖治超越百王武烈文  
謨佑啟萬世所謂應運大有爲之君孝烈皇后德隆貞  
一行備清真祇奉兩宮助祭宗廟則聖孝益彰親蠶西  
內表率六壺則王化益朗至於拯危車駕弭變宮闈勳  
烈蓋乾坤慶澤流宗社所謂以聖配聖炳乎相成者也  
而皇上謂非六禮之始欲罷忌日之祭臣等伏覩本朝  
故事宣宗章皇帝廟舍恭讓皇后而耐孝恭章皇后憲  
宗純皇帝廟舍吳后而耐孝貞純皇后忌日必致祭於  
奉先殿則是祖宗之制原無先後之拘況孝恭章皇后  
及孝貞純皇后德雖盛而未聞有功孝烈皇后功既崇  
而兼有其德今日升耐之禮忌祭之儀典則俱存臣民  
共戴幸容臣等具儀開奏奉祧仁宗耐孝烈皇后於太  
廟第九室奉安神位於奉先殿至期舉行忌祭則正義  
明而禮制定矣上曰非天子不議禮后不當耐廟居朕  
室次自前歲朕諭之丞弼示之禮官顧謂今日未宜此  
言徒飾聽使愚者惑之曰忠諱之情實俟題朕之神主  
爾乃命候旨行事已而上諭輔臣曰卿直內固因贊事  
上玄然國家大政未嘗不與計昨議后忌祭禮官及諸  
臣不肯從正卽末所云猶強爾由此觀之人心全不識  
天時初以皇兄無嗣皇考係近親屬在朕躬本之天定  
今爭親爭帝爭耐爭名三十年矣猶不明至是乎今卽  
不忍奉祧仁宗且置后主別廟將來由臣下議處合忌  
日奠一卮酒不至傷情卿等其更言之於是閣臣傳諭  
禮部部臣不敢復言第請如制祧耐擇吉行禮上乃許  
之

乾學案九廟之數論帝不論后今世宗尙在而遽祧仁宗此何禮也彼其暴戾性成於祖宗且不顧何有於廷臣之正議乎厚其妻而黜其祖誠九廟之罪人也

孝靖王皇后

光宗母

神宗實錄萬曆四十八年孝靖皇后王氏將葬承運庫太監王虎題請置造金珠二十四萬有奇稱引仁聖慈聖兩太后爲例臺臣王象恒疏請裁節其略曰臣草茅書生固不知喪禮費金珠何用卽製造冠服費不過數十數百料自足辦乃各色金開至二千九百餘兩各樣珠至五萬九千餘顆貓睛祖母綠青紅寶不等項至數千塊白玉琥珀等項至數百觔片腦至三千觔此果盡以充喪禮之用邪抑別有昌破邪不知此事何事而猶

思因之以爲利邪況大行皇后端靜恭儉已風示於生前豈冥漠之中反需此邪戶部尙書李汝華以度支匱乏力爭之奉旨這成造冠頂等項錢糧係祖宗舊制禮不可闕例用三分一分入金井一分耐廟一分冊謚著作速辦進以襄大典給事戶科官應震復引喪禮用金石爲非卽使金珠緣飾但取成禮聊寄如存一念足矣何必估值太重估值大奢甯第靡財實且悖禮反覆干言不聽

乾學案萬曆之季府藏空虛而送終侈靡若此可歎也且明會典並不載冠頂諸飾不知昉於何時古之葬者木車茅馬謂之明器備物而不可用冠以珠玉飾以金石是死者而用生者之器何爲也哉

廢后喪禮

宋仁宗廢后郭氏

天聖二年立為皇后後廢為淨妃居長樂宮景祐元年出居瑤華宮號上悼之追復皇后而停諡冊廟之體

名臣琬琰之章歐陽修撰劉敞墓誌至和三年祫祭禮

臣請耐郭皇后於廟自孝章以下四后在別廟者請毋

合食公議曰春秋之義不薨於寢不稱夫人而郭氏以

廢薨案景祐之詔許復其號而不許其諡與耐謂宜如

詔書又禮於祫未毀廟之主皆合食而無帝后之限且

祖宗以來用之傳曰祭從先祖宜如故皆從公言

明憲宗廢后吳氏

上即位七月立尋廢居西內孝宗始生后保抱惟謹孝宗德之即位命宮中進膳如母后禮正德中薨劉瑾欲

焚之王墓不可乃得葬

武宗實錄正德四年春正月憲宗廢后吳氏薨大學士

李東陽等言漢成帝廢后許氏葬延陵交道廢西光武

廢后郭氏葬北邙山凡皇后廢黜史冊猶稱廢后書其

葬地不曾有降為庶人之禮后吳氏原奉憲宗皇帝詔

書云退居別宮閑任累朝以來服食供奉皆從優厚今

日之事宜合禮部斟酌儀節凡事宜從減省而殯斂祭

葬皆不可闕以存皇上敬老念舊之心播之天下傳之

後世亦美事也上諭禮部喪禮放英廟惠妃故事太常

寺以祭儀請命歲時用素羞別祭於墓所

言元... 禮通考卷第七十四

讀禮通考卷第七十五

禮部存鄭兼翰林學政駕享禋火清真統前總裁明史總裁徐乾學

喪儀節三十八

國恤十

皇妃喪儀

盛姬 周穆王妃。公羊傳隱公十年齊人鄭人入盛何休注云盛魯同姓楊氏疏左氏作鄭莊公八年成降于齊師傳曰成者何盛也。列子周穆王西巡狩還未及中國道有獻工人名偃師王薦之曰與若偕來者何人對曰臣之所造能倡者王驚視之趣步俯仰信人也與盛姬內御並觀之技將終倡者瞞其目而招王之左右侍妾王大怒立欲誅偃師偃師立剖散倡者以示王皆傳會草木膠漆黑白丹青之所為。竹書紀年周穆王十五年作重璧臺。水經注五鹿墟故沙鹿有沙亭周穆王喪盛姬東征舍於五鹿其女叔姪屈此思哭是曰女姓之邱為沙鹿之異名也。羅泌國名記盛伯國亦曰成續志云濟北成本國預謂東平西南有盛鄉寶革云鄉在鄆城卽晉之剛父。

穆天子傳季冬甲戌天子西北姬姓也盛伯之子

也天子賜之上姬之長

是曰盛門天子乃為之臺是曰重璧之臺

禮通考卷七十五

戊寅天子東徂于澤中逢寒疾言盛姬在此天子舍于

澤中盛姬告病天子憐之澤以名澤曰寒氏盛姬求飲

天子命人取漿而給得之速也傳是曰壺輪壺器名輪音通

天子西至于重璧之臺盛姬告病天子乃殯盛姬于

天子哀之上疑說盛是曰哀次哭泣之位天子乃殯盛姬于

穀邱之廟先王之廟有在此者壬寅天子命哭令羣臣啟為

主為之喪主即下伊扈也祭父賓喪禮儀天子王女叔姓為

主上啟疑為開殯出棺也祭父賓喪禮儀天子王女叔姓為

哭傷未成喪盛內史執策所以書贈賵之事官人乃職曾祝

敷筵席設几敷猶鋪也周禮盛饋具饋具肺鹽羹肉也當

脯棗醢粥清也醢音移魚腊乾魚也韭百物言備乃陳腥

俎十二乾豆九十鼎敦壺尊四十敦似槃器雜器曾祝祭

食禮雖喪祭皆祭進肺鹽祭酒以肺換鹽中以祭所謂振祭乃獻喪

主伊扈伊扈拜受祭女又獻女主叔姓叔姓拜受

祭祝報祭鴈大師樂官乃哭即位就喪位也畢哭內史策

而哭策上宜作讀既夕禮曰曾祝捧饋而哭捧兩手御者祈

而哭侍御者禮曰抗者抗猶舉也禮記曰御者祈

哭佐飲者也衣裳佩而哭樂人陳琴瑟

竽疑竽上宜作籥如笛箛今載吏箎箎如併兩而哭百

官人各其職事以哭曰士女錯踊九乃終

在位者從之佐者哭佐飲且徹饋及壺鼎俎豆皆佐者

宮人各其職皆哭而出畢井利事後出而收利

辰天子南葬盛姬于樂池之南即池也天子乃命盛姬

之喪視皇后之葬法視猶亦不邦後于諸侯疑字錯誤河

濟之間共事

事也

韋穀黃城三邦之事輦喪

輦謂挽輓車發三國之眾以示

榮

七萃之士抗者

即車

曾祝先喪

也

大匠御棺

為棺御也周禮曰喪祝為御禮記曰諸侯御柩以羽葆謂在前為行止之節

日月為旗常亦通名

鼓鍾以葬龍旗以

鳥

以建鼓獸以建

畫日月

鍾龍以建旗曰喪之先後及哭踊者之間畢有鍾旗

百物喪器并利典之列于喪行靡有不備

擊鼓

以行喪舉旗以勸之

哀也

擊鍾以止哭

彌旗以節之

父兄子孫倍之

倍倍列位也

諸侯屬子

宗屬

王吏倍之外官王

屬七萃之士倍之

屬七萃之士倍之

在外者

姬姓子弟倍之

盛姬之族屬也

執職

之人倍之

三十行行萃百人

百人為一倍萃聚也

女主即位嬖人羣女倍之

疑同姓之女為大夫

宮官人倍

幸愛者

王臣姬姓之女倍之

疑同姓之女為大夫

宮官人倍

幸愛者

之

宮官為內也

宮賢庶妾倍之

庶妾眾散妾也

哭者五倍踊者次從

以次相從

曰天子命喪一里而擊鍾止哭曰匠人哭于車上

御棺不得

下曾祝哭于喪七萃之士哭于喪所曰小哭錯踊三

也

踊而行五里而次

次猶止也

重璧之臺

三十里為舍也

乃休

休駐

天子乃周姑絲之水以

於此

園喪車

決夫周繞之也

是曰圜車

以號

曰殤祀之

復祭

辛亥邢侯曹侯來弔

曹國今濟陰定陶縣是也

內史將之以見天子

天子告不豫而辭焉

邢侯曹侯乃弔太子

不豫辭病也尚書曰武王不豫

天子告不豫而辭焉

不豫辭病也尚書曰武王不豫

邢侯曹侯乃弔太子

不豫辭病也尚書曰武王不豫

太子哭出廟門以迎邢侯

曹侯

太子哭出廟門以迎邢侯

曹侯

再拜勞之

問勞

侯不答

太子抗禮

位內史賓侯

賓

北向而立大哭九邢侯厝踊三而止

與太子

送之曹侯弔廟入哭太子送之亦如邢侯之禮

雖弔異而禮同

送之曹侯弔廟入哭太子送之亦如邢侯之禮

雖弔異而禮同

與太子

拾踊

送之曹侯弔廟入哭太子送之亦如邢侯之禮

雖弔異而禮同

送之曹侯弔廟入哭太子送之亦如邢侯之禮

雖弔異而禮同

與太子

拾踊

送之曹侯弔廟入哭太子送之亦如邢侯之禮

雖弔異而禮同

送之曹侯弔廟入哭太子送之亦如邢侯之禮

雖弔異而禮同

與太子

拾踊

送之曹侯弔廟入哭太子送之亦如邢侯之禮

雖弔異而禮同

送之曹侯弔廟入哭太子送之亦如邢侯之禮

雖弔異而禮同

與太子

拾踊

送之曹侯弔廟入哭太子送之亦如邢侯之禮

雖弔異而禮同

送之曹侯弔廟入哭太子送之亦如邢侯之禮

雖弔異而禮同

與太子

拾踊

送之曹侯弔廟入哭太子送之亦如邢侯之禮

雖弔異而禮同

送之曹侯弔廟入哭太子送之亦如邢侯之禮

雖弔異而禮同

與太子

拾踊

送之曹侯弔廟入哭太子送之亦如邢侯之禮

雖弔異而禮同

送之曹侯弔廟入哭太子送之亦如邢侯之禮

雖弔異而禮同

與太子

拾踊

送之曹侯弔廟入哭太子送之亦如邢侯之禮

雖弔異而禮同

送之曹侯弔廟入哭太子送之亦如邢侯之禮

雖弔異而禮同

與太子

拾踊

送之曹侯弔廟入哭太子送之亦如邢侯之禮

雖弔異而禮同

送之曹侯弔廟入哭太子送之亦如邢侯之禮

雖弔異而禮同

與太子

拾踊

送之曹侯弔廟入哭太子送之亦如邢侯之禮

雖弔異而禮同

送之曹侯弔廟入哭太子送之亦如邢侯之禮

雖弔異而禮同

與太子

拾踊

送之曹侯弔廟入哭太子送之亦如邢侯之禮

雖弔異而禮同

送之曹侯弔廟入哭太子送之亦如邢侯之禮

雖弔異而禮同

與太子

拾踊

送之曹侯弔廟入哭太子送之亦如邢侯之禮

雖弔異而禮同

送之曹侯弔廟入哭太子送之亦如邢侯之禮

雖弔異而禮同

與太子

拾踊

送之曹侯弔廟入哭太子送之亦如邢侯之禮

雖弔異而禮同

送之曹侯弔廟入哭太子送之亦如邢侯之禮

雖弔異而禮同

與太子

拾踊

送之曹侯弔廟入哭太子送之亦如邢侯之禮

雖弔異而禮同

送之曹侯弔廟入哭太子送之亦如邢侯之禮

雖弔異而禮同

與太子

拾踊

送之曹侯弔廟入哭太子送之亦如邢侯之禮

雖弔異而禮同

送之曹侯弔廟入哭太子送之亦如邢侯之禮

雖弔異而禮同

與太子

拾踊

送之曹侯弔廟入哭太子送之亦如邢侯之禮

雖弔異而禮同

送之曹侯弔廟入哭太子送之亦如邢侯之禮

雖弔異而禮同

與太子

拾踊

送之曹侯弔廟入哭太子送之亦如邢侯之禮

雖弔異而禮同

壬子天子具官見邢侯曹侯具官備禮相見天子還返將歸邢侯

曹侯執見拜天子之武義所未聞天子見之乃遣邢侯曹

侯歸于其邦王官執禮其于二侯如故言不以喪廢禮曰天子

出憲憲命以或祿贈此以上以說贈贈事衣物曰祿音遂癸丑大哭而甲寅

殤祀大哭而行喪五舍于大次曰喪三日于大次停三日也

殤祀如初辛酉大成百物皆備送葬之物俱備壬戌葬史錄繇

鼓鍾以赤下棺也七萃之士士女錯踊九喪下

鼓鍾以赤下棺也七萃之士下謂人土喪宗伊扈贈用變裳幸者宗亦主變裳名也女主叔姓贈用茵組

報哭于大次報猶反也大次有次神次也祥祠祝喪罷哭辭于遠人

人之邱乙丑天子東征舍于五鹿叔姓思哭思哭盛姬是日

女姓之邱因以名五鹿也丁卯天子東征釣于漯水以祭淑人

是日祭邱仲冬丁丑天子北征戊寅舍于河上乃致

父兄子弟王臣姬口祥祀畢哭上云王臣姬姓之女疑此亦同也終喪于

冢冢名氏地於是禋祀除喪始樂素服而歸哀也是日素氏天

子遂西南癸未至于野王今河內縣甲申天子北升于大北

之隘疑此大行山也而降休于兩柏之下有兩柏也天子永念傷心乃

思淑人盛姬於是流涕七萃之士萇豫上諫于天子

曰自古有死有生豈獨淑人天子不樂出於永思永

思有益莫忘其新言思之有益者莫忘更求新人天子哀之乃又流涕聞此

是日輟言愈更增感也

乾學案穆天子傳出汲冢晉荀勗校定以為

其事雖不典其文甚古頗可觀覽今考與書

四



序及太史公所載多合當時藏之中經副在三閣故其書實不可廢輒引盛妃事為古時妃喪之禮以備考覽云

宋真宗李宸妃

真宗司慶生仁宗及仁宗即位為順容從守永定陵初仁宗薨進位宸妃薨丞相呂夷簡請以一品禮治喪詳見山陵條章獻太后崩仁宗始知為宸妃所生詔尊為皇太后諡莊懿陪葬永定陵廟曰奉慈又即景靈宮建神御殿曰廣孝慶曆中改諡章懿升祔太廟

宋史禮志真宗宸妃李氏明道元年二月二十六日薨初葬洪福院之西北命晏殊撰墓銘二年四月六日追冊為莊懿皇太后十月五日改葬永定陵之西北隅十七日祔神主於奉慈廟

楊淑妃

真宗才人累進昭儀真宗崩遺詔以為皇太妃至章獻太后崩遺詔為皇太后所居宮曰保慶稱保慶皇太后

宋史后妃傳景祐三年薨殯於皇儀殿帝思其保護之恩命禮官議服小功初仁宗未有嗣后勸帝擇近屬養

於宮中即英宗也英宗立言者謂禮慈母於子祭於孫止請廢后廟瘞其主園陵英宗未許下有司議會帝崩遂罷

名臣琬珍之章王珪撰賈昌朝墓誌詔有司議章獻章懿章惠三后升祔之禮公乃酌羣儀奏為章獻皇后母儀天下章懿皇后誕育聖躬宜如祥符升祔元德皇后故事配食真宗廟室以稱陛下追孝之意章惠皇后於陛下有慈保之恩義須別祠伏請享奉祠廟如故於是命攝太尉奉二主行升祔禮

乾學案此章惠皇后蓋即楊太后也東都事略有諡而宋史軼之劉后傳云泰甯軍節度使錢惟演請以章獻章懿與章穆並祔真宗室詔三省與禮院議皆以為章穆皇后位崇

中壺已耐真宗廟室自協一帝一后之文章  
獻明肅處坤元之尊章懿感日符之貴功德  
莫與爲比謂宜建新廟同殿異室歲時薦享  
一用太廟之儀仍別廟名以崇世享翰林學  
士馮元等請以奉慈爲名慶歷五年復遷二  
后耐真宗廟蓋楊后別祠并不得入奉慈殿  
也

仁宗張貴妃

慶歷元年爲才人皇祐初進貴妃後五年薨仁宗悼之冊爲皇后諡溫成

名臣琬琰之章畢仲游撰孫沔碑仁宗時貴妃張氏薨  
治喪皇儀殿詔葬爲園陵禮官諡曰恭德公言太宗四  
后皆諡曰德從廟諡也而郭氏張氏二后不聞有諡今  
諡妃子曰恭德雖禮官之罪而實貽譏於陛下因併論  
皇儀治喪詔葬爲園陵爲非是遂改諡溫成園陵亦罷

已而詔公讀溫成哀冊公奏言章穆皇后喪比葬行事  
皆兩制官而溫成追諡反詔二府大臣行事不可翼日  
執冊文前陳故事且曰以臣孫某讀冊則可以樞密副  
使讀冊則不可

王珪撰梁適墓誌仁宗張貴妃薨小斂於皇儀殿公曰  
皇儀不可治妃喪然宰相陳執中不能正其事又欲以  
公爲園陵使公曰嬪御無園陵之制始定葬於奉先寺  
王珪撰邵亢墓誌張貴妃薨有司請立陵廟禁樂京師  
一月公累疏論之遂弛樂禁亦不立陵

仁宗董充媛

蘇軾撰司馬光行狀仁宗充媛董氏薨追贈婉儀又贈  
淑妃輟朝成服百官奉慰定諡行冊禮葬給鹵簿公言  
董氏秩本微病革之日方拜充媛古者婦人無諡近制

惟皇后有之鹵簿本以賞軍功未嘗施於婦人惟唐平陽公主有舉兵佐高祖定天下之功乃得給至韋庶人始令妃主葬日皆給鼓吹非令典不足法

明成穆孫貴妃

典禮志洪武七年九月庚寅貴妃孫氏薨命吳王櫛服

斬衰三年以主喪事敕皇太子及諸王皆服期曆於朝

陽門楮岡之原十五年祔葬高后陵

昭獻王貴妃

明會典永樂十八年昭獻貴妃王氏喪禮○一間喪輟

朝五日○一初喪上祭一壇皇后祭一壇皇妃祭一壇

皇太子祭一壇親王共祭一壇公主共祭一壇○一贈

諡冊文行焚黃禮○一七七百日周年二周年每次祭

祀壇數與初喪同○一開塋域遣官祀后土○一行內

外衙門造辦喪儀銘旌冥器等項○一發引前期辭靈

祭祀壇數與初喪同唯增六尚司祭一壇內官內使祭

一壇○一啟奠祖奠遣奠各遣祭一壇○一發引日文

武百官各素服烏紗帽黑角帶送至路祭處所皇親駙

馬共一壇公侯伯文武衙門共一壇外命婦共一壇○

一過門祭祀內門遣內官外門遣太常寺官行禮○一下葬遷奠遣祭一壇○

一掩壙遣官祀后土○一迎靈轎至享堂行安神禮遣

祭一壇

恭恪莊僖紀淑妃孝崇

典禮志成化十一年六月乙巳皇子母紀氏薨追封淑

妃諡恭恪莊僖輟朝三日上服淺色衣御奉天門視事

命禮部定喪葬儀注先是妃病大學士商輅言皇祖母

有不諱禮宜從厚仍乞司禮監奉皇子問侍衰服行禮

上是之乃命司禮監黃賜詣問儀八月壬寅葬西山自  
初喪至發引下葬上及皇太后中宮英廟皇妃親王公  
主皇子各有祭遣皇子奉祝冊行禮營域發引下葬日  
上俱不視朝皇親公侯駙馬伯文武百官及命婦送葬  
設祭如常儀追崇典禮  
見皇后儀  
榮安惠順端僖閻貴妃

世宗實錄嘉靖十九年正月甲午朔乙未貴妃閻氏薨  
妃首出皇第一子上痛悼詔追封為皇貴妃賜諡榮安  
惠順端僖喪禮視皇妃例加等權厝孝潔皇后陵次輟  
朝五日禮部上喪禮儀注一初喪御祭一壇昭聖恭安  
康惠慈壽皇太后遣祭一壇武廟皇妃中宮皇妃皇嬪  
皇太子各祭一壇裕王景王共祭一壇公主共祭一壇  
涇簡王妃祭一壇六尚局祭一壇內官內使共祭一壇

一行欽天監選擇小斂大斂焚黃發引啟土安葬掩土  
日期一行翰林院撰諡冊文及各祭文壙誌文一焚黃  
是日陳設祭儀以祝文及冊文置於靈前遣司禮監官  
行禮立於靈柩前贊禮贊鞠躬四拜興平身贊跪執事  
者以爵進於司禮監官之右贊受爵獻爵者三贊讀祝  
讀祝者取祝跪讀讀訖贊宣冊宣冊女官取冊立宣訖  
贊俯伏興平身復位贊鞠躬四拜禮畢焚祝及冊一七  
七百日周年二周年每次御祭一壇昭聖恭安康惠慈  
壽皇太后遣祭一壇武廟皇妃祭一壇中宮以下祭如  
前儀一開瑩域祠后土御祭一壇遣內官行禮一辭靈  
前期御祭一壇皇太后武廟皇妃中宮以下各祭如前  
儀一發引啟奠祖奠遣奠各御祭一壇俱用祝文酒果  
遣內官行禮光祿寺辦祭是日早免朝參文武百官各

素服烏紗帽黑角帶先隨方相後行至路祭處所致祭  
文武官命婦各至祭所祭畢而還一過門俱用祝文酒  
果內門遣內官行禮外門遣太常寺官行禮太常寺辦  
祭一路祭駙馬并皇親其祭一壇公侯伯文武百官共  
祭一壇外命婦共祭一壇一擡柩挽歌執紼外其擎執  
香燭旛幢紙案等項於五軍都督府撥軍應用一靈柩  
前儀仗內使女樂三十二人并花旛雪柳女隊子二十  
八人女將軍二十四人一工部於孝潔皇后陵次先期  
搭蓋席殿靈柩至奉安御祭一壇一先期遣官以權厝  
告孝潔皇后一下葬日文武百官免朝參一下葬遣奠  
御祭一壇一行該衙門造辦銘旌及墳塋誌石喪儀宴  
器等項俱加等一某日舉棺之前執事先以方相旛幢  
車駝馬鼓樂真亭彩亭以次排列於玄武門外喪夫捧

棺就輦內官以魂帛置小車中一掩壙畢祠后土御祭  
一壇一掩壙畢迎靈轎至享堂行安神禮御祭一壇一  
各壇路祭并靈柩頓歇處所俱行工部預為相地搭蓋  
席殿一挽歌執紼人等該用孝巾孝帶行移工部轉行  
內府該衙門製造儀上詔命婦路祭令先期入宮內行  
餘俱如擬

榮淑杜康妃

穆宗

世宗實錄嘉靖三十三年正月壬寅朔壬子康妃杜氏  
薨妃裕王母也禮部隨上喪禮儀注尚書歐陽德等因  
言累朝皇妃薨或未生王子或子非居長而受封之國  
或子立為東宮而先薨俱與今不同惟成化中淑妃紀  
氏薨所生皇子倫序居長與妃事體相類但彼時皇子  
尚幼而今裕王既已成婚禮宜持服主喪送葬出城儀

節稍異乃議輟朝五日裕王主喪遵孝慈錄斬衰三年  
欽遣大臣題主開塋掩壙祠謝后土并用工部官送葬  
儀仗人數皆增於舊上覽之謂大學士嚴嵩等曰部擬  
用憲廟淑妃例大不同且裕王不當服斬衰嵩等對憲  
廟初有悼恭太子在前淑妃之子居次正與康妃事體  
相同故禮部擬用其例喪禮必子為主裕王殿下須服  
斬衰以執饋奠之事太祖御製孝慈錄序文曰庶子爲  
其母斬衰三年部議遵用此也上復諭嵩持斬衰三年  
當避君臣之尊嵩言臣考洪武七年貴妃孫氏薨無子  
太祖命吳王橚服慈母服斬衰三年主喪事皇太子諸  
王皆服期是年孝慈錄成遂爲定制是後久無是事故  
未知謂及茲當垂訓作則於後伏乞仍命殿下茲日衰  
杖入哭几筵其後居府盡三年之制上意猶未以爲然

乃批部疏曰輟朝五日不合一切所擬俱非禮之正其  
考賢妃鄭氏例酌議以間於是德等復上儀注一聞喪  
自本月十四日起至十五日止輟朝二日不鳴鍾鼓上  
服淺淡色衣服於奉天門視事文武百官各具淺淡色  
服烏紗帽黑角帶朝參欽命裕王主饋奠之事一裕王  
聞喪率妃入宮素服哭盡哀行四拜禮視小斂大斂成  
服後朝夕哭臨三日以後每遇一奠通前二十七日而  
止乃於燕居盡斬衰三年之制以伸子情一初喪御祭  
一壇皇妃其祭一壇景王并妃祭一壇公主其祭一壇  
涇簡王妃壽定王妃其祭一壇裕王并妃其祭一壇是  
日內侍陳設祭饌拜位如常儀內導引官導裕王并妃  
詣拜位贊四拜奠酒讀祝贊四拜舉哀興哀止望瘞禮  
畢一焚黃是日陳設祭儀以祭文及諡冊文置於靈前

內導引官導裕王詣靈柩前贊四拜興平身贊跪執事者以爵進於王之右贊受爵獻爵者三贊讀祝讀祝者取祝跪讀訖贊宣冊宣冊女官取冊立宣訖贊俯伏興平身贊四拜禮畢焚祝及冊一七七百日周年二年三年每次御祭一壇皇妃共祭一壇景王并妃共祭一壇公主共祭一壇涇簡王妃壽定王妃共祭一壇裕王并妃共祭一壇在殯王率妃行禮儀如初喪葬後遣中官墳園行禮裕王禫服日遣本府中官於墳園致祭一開瑩域祠后土遣內官行禮一辭靈發引前一日御祭一壇皇妃共祭一壇景王并妃共祭一壇涇簡王妃壽定王妃共祭一壇六尙司共祭一壇內官內使其祭一壇裕王并妃共祭一壇王率行禮儀如初喪一發引啟奠祖奠遣奠御祭各一壇裕王祭各一壇儀如初喪是日

執事官先以方相旛幢車駝馬鼓樂真亭彩亭以次排列於玄武門外內侍捧銘旌魂帛導引柩出玄武門外喪夫捧柩就輿內官以魂帛置小車中裕王步送至京城門外路祭畢還宮文武百官免朝參各穿素服烏紗帽黑角帶隨方相後行至路祭處所致祭而還一過門內門遣中官行禮外門遣太常寺官行禮一路祭裕王祭一壇皇親并駙馬各祭一壇公侯伯文武衙門共祭一壇俱於京城門外外命婦共祭一壇於鼓樓迤西一靈柩前儀仗內使女樂二十四人花旛雪柳女隊子二十人女將軍十人一靈柩至墳園奉安御祭一壇裕王祭一壇護喪中官行禮祭畢執事者整理壙中安頓玄纁玉璧匣五穀下棺并以銘旌魂帛置棺上翼六置棺之兩傍下葬日文武百官免參一下葬遷奠御祭一壇

言宗廟卷之五  
裕王祭一壇護喪中官行禮一掩壙畢祠后土護喪中官行禮一掩壙畢迎靈轎至享堂行安神禮御祭一壇裕王祭一壇護喪中官行禮疏入上曰輟朝以十七日為始諡字正如例擬請焚黃乃制命非王可行其仍以常禮從事餘如議部復奏皇妃焚黃儀傳訛已非一日蓋自累朝或所生皇子及親王或司禮監官行禮皆拜而獻酒跪而讀祝乃參用上尊諡之儀而未思賜諡為制命其祭文稱皇帝遣諭與上尊諡迥然不同也今既奉旨以常禮從事當改議賜諡如賜祭禮讀祝宣冊皆平立不拜上報可仍令著為定規如不係賜諡者臨期另擬以聞遂冊諡妃為榮淑康妃冊曰朕惟自古人君之於妃生既錫以封號沒必加以美諡此古今之通義也爾康妃杜氏早膺淑選事朕有年皇子誕生宜延遐

祉偶嬰一疾遽爾長終爰念勞勤再錫嘉號茲特諡曰榮淑爾靈不昧服茲寵光後十三年裕王嗣統乃追尊妃曰孝恪皇后

■王貴妃光宗

神宗實錄萬曆三十九年九月戊午禮部奏皇貴妃薨逝合行事宜奉旨照世廟皇貴妃沈氏例行但臣歷查我朝皇貴妃薨逝俱未有誕育東宮惟憲廟淑妃為孝宗敬皇帝母世廟康妃為穆宗莊皇帝母然其薨時皆未封皇貴妃未經冊立東宮當日禮儀俱擬從厚況今皇貴妃既膺封典皇太子冊立東宮已久天下臣民觀望所係禮儀等更當加隆謹條具上請○一聞喪自本月二十二日起至二十六日止輟朝五日不鳴鍾鼓上服淺淡色衣於文華門視事文武百官各具青素服黑



角帶朝參次日文武百官行奉慰禮○一欽命皇太子率妃入宮衰服哭盡哀行四拜禮視小斂大斂成服後朝夕哭臨三日以後每日一奠通前二十七日而止其斬衰避君父之尊止於燕居以伸子情○一慈聖宣文明肅貞壽瑞獻恭熹皇太后祭一壇穆廟皇妃共祭一壇中宮祭一壇皇貴妃等妃祭一壇皇太子祭一壇瑞安長公主祭一壇福王祭一壇福王妃祭一壇瑞王惠王桂王共祭一壇榮昌公主壽甯公主共祭一壇汝安王繼妃祭一壇景恭王妃祭一壇六尙局祭一壇內官內使共祭一壇俱光祿寺辦是日內侍陳設酒饌并位如常儀內導引官導皇太子并妃詣拜位贊禮贊四拜畢奠酒讀祝四拜舉哀與哀止望瘞禮畢○一行欽天監選擇小斂大斂焚黃日時○一欽定諡號○一行翰

林院撰諡冊祭祝文墳誌文○一焚黃用黃絹裝褶如冊兩葉寫冊文是日陳設祭儀以祝文及冊文置於靈前內導引官導皇太子詣靈柩前贊四拜禮贊跪執事以爵進置於皇太子之右贊受爵獻爵受爵獻爵受爵獻爵贊讀祝跪讀訖贊宣冊女官取冊立宣訖贊俯伏與平身贊四拜禮畢焚祝文及冊文○一七七百日周年二周年御祭一壇皇太后以下俱致祭如初喪俱光祿寺辦祭在殯皇太子率妃行禮儀如初喪葬後遣內官墳園行禮○一皇太子禫服日遣內官於墳園致祭光祿寺辦祭○一安葬先期啟土遣官祭告后土欽天監差官二員候時執事官陳設祭饌如常儀贊再拜興酌酒讀祝贊再拜興禮畢○一工部於墳園及各壇路祭並靈柩頓歇處所預搭蓋行享席殿仍量蓋小席房

以置儀仗等物。一發引前一日晚設奠辭靈內侍官陳設牲醴等一如常儀御祭以下祭俱如初喪俱光祿寺辦祭。一欽遣大臣一員題主。一發引前題差工部司屬官入山送葬。一送葬入山官員素服走送至德勝門外騎送至葬所步行至享殿安葬畢還日朝見。一發引啟奠祖奠遣奠御祭各一壇皇太子各祭一壇俱光祿寺辦祭儀如初喪是日執事者先以方相幡幢車馬鼓樂真亭彩亭以次排列於玄武門外內使捧銘旌魂帛等引柩出玄武門外捧柩就輿內官以魂帛置小車中皇太子步送出京城外路祭畢還宮文武百官免朝參各素服黑角帶隨方相後行至路祭處所致祭而還。一鴻臚寺差序班八員於德勝門外擺列致祭官員務要敬謹。一過門太常寺辦祭品內門遣內

官行禮外門遣太常寺官行禮。一路祭皇太子祭一壇皇親并駙馬共祭一壇公侯伯及文武衙門共祭一壇俱於德勝門外祭外命婦共祭一壇於鼓樓迤西俱光祿寺辦祭。一擡柩挽歌執翼各役行順天府擎執旛幢香爐紙案等項軍役行兵部轉行戎政廳撥用其孝經孝帶行工部轉行內府該衙門製造。一靈柩前儀仗內使女樂三十二人花幡雪柳女隊子二十八人女將軍二十四人。一靈柩至墳園安奉御祭一壇皇太子祭一壇俱光祿寺辦護喪內官禮畢祭畢執事者進獻贊讀祝立讀畢焚祝文內侍啟櫃受主訖跪奏請皇貴妃神主降座陞輿內侍捧神主升靈輿至行享殿內侍跪奏請皇貴妃神主降輿升座內侍捧神主安奉靈座內訖行安神禮禮如前儀。一神主還京內侍

於神主前奏請皇貴妃神主降座升輿還京奏訖俯伏  
 興於靈座上舉神主升輿進行儀仗侍衛尙儀護喪官  
 後隨在途仍朝夕奠。一迎神主先期於城外教場門  
 前席殿內置幄次次日執事官備儀衛教坊司備文樂  
 鼓吹設而不作文武百官青素服黑角帶出城奉迎神  
 主人幄次行四拜禮畢神主進行百官隨後至德勝門  
 外儀衛等退護喪亦退至內宮皇太子率妃以下俱迎  
 神主於門以次復迎神主至內宮內侍官於靈轎前跪  
 奏請皇貴妃神主降輿陞座內侍官捧神主安奉靈座  
 訖內執事官陳設牲醴如常儀皇太子率妃以下入拜  
 位行謁見四拜安神禮如常儀上命發引日皇太子步  
 送至玄武門外柩就輿行路祭畢回宮泰昌元年八月  
 追尊爲孝靖皇太后

乾學案皇妃喪禮一也所以詳載閻氏杜氏  
 王氏三妃者閻與杜則其子將爲太子王則  
 其子已爲太子禮自與諸妃異故詳列之也  
 他若未封妃者其禮又殺於諸妃則別附於  
 後以備典禮之一端云

未封妃喪儀

明會典嘉靖二十九年未封皇妃喪禮喪聞賜封號輟  
 朝一日御祭一壇皇妃以下各祭一壇俱遣內官行禮  
光祿寺備祭○翰  
 林院撰冊文祝文壙誌文○擇日行焚黃禮○七七百  
 日周年二周年每次御祭一壇皇妃其祭一壇○開塋  
 域祀后土及辭靈祭祀壇數與初喪同俱遣內  
官行禮發引以後  
 合行事宜同前凡未封妃喪葬禮儀隆殺不  
等俱禮部開坐題請施行  
 嘉靖二十九年皇貴妃王氏喪禮○一初喪增六尙司

祭一壇內官內使其祭一壇○一行翰林院撰謚冊文  
 及各祭文壙誌文○一焚黃用黃絹裝稍如冊樣兩葉寫冊文是日陳設祭  
 儀以祝文及冊文置於靈前遣司禮監官行禮獻爵讀  
 祝訖女官宣冊禮畢焚祝及冊○一靈柩前儀仗內使  
 女樂三十二人并花旛雪柳女隊子二十八人女將軍  
 二十四人○一靈柩至墳園奉安御祭一壇遣護喪內官行禮其  
 餘各祭俱同前○一墳園及各壇路祭并靈柩頓歇處  
 所行工部預為搭蓋席殿其挽歌執紼人等該用孝巾  
 孝帶俱工部轉行內府該衙門製造

